

程

夢陔堂詩集卷九目錄

古今體詩一百一首

夢陔堂詩集卷九

江都黃承吉謙牧

登車

計程今日合登車尙有高堂屈指無客子望天三四度
讓他馬首向東趨

重興集阻雨同人集肴共飲又市得白魚一尾亨
食甚豪主者驚羨殊甚賦以解嘲

客行豈不苦無端輒零雨客行豈不樂無因忽大嚼都
將衆饌一齊登解盡饞饗肆歡謔雖無鹿脯脩却有羊
羹臠雖無熊掌躡却有豚肩胛雖無蓴美似江東却有

茵佳如越駱酒酣相顧不肯休胸中旣樂那復憂餘次
落到波中流果然獲得鱗一頭不用鮓含風無須膾飛
雪銀盤捧出尺半長曼箸瓊瑤亂飄撇加餐更酌如有
情此時意氣非屏營旁觀不覺矢口嘆抑何侈味同侯
鯖寄語主人且休矣從來書生變態空如此試聽簷前
屋溜聲依舊淒風滿人耳

齊河夜發

夢裏惻惻別祝阿蒼涼景色望如何五更風作鴉啼樹
四野星垂馬渡河聽得梵魚過寺早攜將方乘識山多
佳遊攬勝從今入便寫新詩歷下哦

月夜過十二連橋

明月隔吹簫春風廿四橋他鄉回首處一半也魂消阜
帽青驄影紅欄碧柳條別離無限曲聽不到深宵

保和殿應 試恭紀

瞳矐五色耀晴暉魚鑰傳呼近 太微七宿蒼龍依次
繞 九重金爵遍空飛榮瞻貴戚均貂珥 恩許儒生
尙褐衣秉筆對揚歡未極由來 天上到人稀

黃麻 親策萃車書丹鳳蹠蹠下玉除 天子顙良隆
若此小臣失學愧奚如微涓得地趨溟渤薄靄隨風傍
太虛今日下方羣託命九州登進仰 宸居

漱泉定甫蔭華諸君宴客萬柳堂遙題其處

淡沲風光萬柳斜綺筵真讓玉人誇試聽驟雨新荷曲
可似當年解語花

冶源竹木鎖寒烟別業由來勝輞川最憶城東修禊日
風流絕似永和年

送曹與三從鐵制軍之江南

才子故飄然彈徽復控弦繭痕三萬里

近與三輪蹄未息

便笥

五千年金豈王陽作舟如郭泰旋師門榮弟子候吏幾

回前

將出京師與蔭華團雲書屋夜話因懷開虞

漫作勞人去隨君幾夕閒風雲仍歛翼烟月且開顏石
亞階前樹樓欹郭外山他時重念此應惜鬢毛斑
為問南旋騎遙行定抵家此生真浪跡相望復天涯良
友詎曾料微途奚見嗟河陽計日到報汝縣前花

春暮

一縷晴絲罨晚霞樓臺春滿萬人家依然都在韶光裏
不用含愁賦落花

出都日漱泉定甫蔭華三太史送至普濟堂而返

途中忽雨宿長新店

惜別灞橋津垂楊隔故人雨縈初判袂山擁獨征輪再

夢陽堂詩集 卷九
到期何日頻來顧此身十年書劍遠瀟灑到風塵

長新店坐雨三日寄呈史望之

致儼

程漱泉定甫

吳蔭華諸太史

策馬懸期踏莽蒼飽裝山色到旃囊
早知泥雨行堪緩未隔多途別似長
花榭傳杯無我話酒壚聞筑斷人腸
稍晴佇待占星斗回首團雲五色光

在都與四公同寓會館內有團雲書屋

宿良鄉野店

僕夫不勝淖見廬輒欲投蓬門有人立一語遂見留驅
雞讓堂前兼來解耕牛倉卒尋几案出自井幹頭家人

趣看客最後來比邱不知家與寺村落未足求垂柳覆
四垣物色亦頗幽門前莽無際雨氣兼天浮入夜蛙亂
鳴墜戶風颼颼強眠倏已寤漏濕連雙眸一念憶家室
再念思朋儔躑躅兩不見艱難併離憂

題涿州石橋

一雨三日馬折腰愛殺涿州三石橋憶昔過橋最愁絕
爲恐車行似摧裂今茲過此色轉舒頗勝泥潦三尺餘
人生憂樂須早辨不到憂時樂豈見嗚呼憂樂豈有常
天晴畏此三石梁

宿新城縣

濛濛雨勢迴澹澹晴光出山氣仍驟寒鴉啼半邊日眼
看僕夫悵心羨飛鳥逸遵陸實潦行漸裳濕書帙燕雲
古屏障遼水空蕭瑟疆畫在往時於今盛則一騎疲愁
屢嘶人定樂稍櫛巾屨偶寄茲孤懷從何述連朝已紆
程明發倘迅疾馬背忽沾濡宵深轉零密

由新城向雄縣水阻不能進繞小道行至贊邨止

宿車中

欲行聊且住馬瘁僕夫瘳綠壤村中映晴雲寺外看竹
聲清野宿花氣襲朝餐底事驅車晚前宵轡未乾
過贊村馬不能進仍野宿

漫山都是水宿此水中車何似牽船客當時岸上居薄
餐猿嘯裏微夢馬聲餘龕火流難到蓮趺佛座虛有石佛寺

望在

宿富莊驛

洶洶雷聲兼夜起最難風雨離人耳此行莫道是還鄉
鄉外還逾數千里

荒村

偶向荒村過村名未暇知童耘看客盡犬臥避車遲寺
屋穿垂柳橋欄綴短籬道旁呼啜茗小坐亦奚辭
將至龔家城下坡翻車

險巖在須臾須臾離險巖平生歷一境恍惚途路思馬
捩轅迨軻御顛綬繚筆迸巖首欲傾絳枝足猶歛顛倒
態適會所爭毫髮差幾希俾致力幸免如有祈及祈恐
未遂得遂神豈知一身猶有關卒然當此時往者不知
戒未來無從追坐忘泯悔吝回顧心如夷

宿劉智廟作

仲春入都寓於廟西坊舍見壁上題句有云人
生得失渾難定都付鞭絲帽影中時子與汪錢
夫星言張開虞徐德三同觀今來又見是作知
爲原宿之處乃四君旣落第南旋而子亦怒猝

而行感而有作

回車依舊來茲舍對酒頻教憶故人二月鶯花同作客
半年衣馬漫隨塵炎颿又逐三千里皓魄相看第幾輪
壁上題詩殊迥絕是誰濡墨獨傷神

德州夜渡

屢滯戒夙興三更渡河去疾驅臨河干欲濟無人渡脚
踟喚津吏四覓久未赴人絕鳥不飛征車獨在路月下
觀平原曠野莽回互屯瀆連商川滔滔汨烟霧中流馬
亂嘶波吞鐸相吐愴極堪動懷離合漾愁訴徒御亦黯
然炎天及零露客意方曉熹人家自宵暮隔岸聞鷄鳴

回頭暗中樹

濟南道中曉發

旅舍餐眠一駭過夢殘鈴鐸夜如何四更雲冷人趨嶽
萬壑星低馬渡河客到此間思魯酒我從來處聽燕歌
范丹釜甑終軍節搔首情牽往事多

活水荷花詩

濟南學署八景吾鄉阮雲臺中丞視學時所榜
定中有海棠泚受大明湖水澄澈可愛惟活水
不宜植荷吾師萬和圃夫子於東西置柵於是
水渟而荷植余至署之日命酒賞酌菡萏乍吐

清芳宜人同年王菟齋

家相

蔣雲簪

泰階

兩孝

廉與予各賦詩以呈濯纓橋石芝四照樓皆入

景中之一也

官齋八景昔所聞濯纓題自施使君

濯纓橋三字施愚山先生行書勒石

大明湖水流入院水光淡沲涵青雲昔賢愛此負此水

不種芙蓉曠清泚燦爛徒誇三尺鯉魚戲無蓮詎云美

吾師幽賞心冷然種花使水都澄鮮香入石芝秋郁郁

綠彌四照朝田田橋邊落日傾芳醖一片清光滿衫注

雨氣遙收碧暈時烟波忽靄紅飄處倒茄掩映眠萍藻

萬柄縱橫影圍繞底用呼童唱採蓮此間已是瑤華島

位置由來要在人逐流相賞未爲真亭亭漫詡莖獨擢
不遇植根難絕倫卽今品藻應添續故事何當囿成日
酒罷酣歌向此花海棠遜爾消塵斛

濟南學署酬王菟齋蔣雲簪兩同年贈別之作

鳳翼攀殊迴龍門望匪遙八年纔幾面

戊午同領鄉薦

一夕抵

千宵東海樓爲市南天柱作標飛鳧如可接記取識王
喬

歷城曉發

雨餘山氣靄遙空一片晴巒遠近通祇覺巘峴行不到
不知身在萬山中

長清道中

曉上崔嵬路幾盤炎風經雨倏飄寒崖高勒馬多時立
野曠逢人作意看孤寺雲生微繞砌小村花發半依欄
賞心欲白憑誰語應有山靈笑客單

和螯陽客舍題壁韻

予素不喜作和韻詩宿螯陽之夕見壁間題韻
一一如意所欲出挑燈次之迅若宿構雖情事
相待不是過矣

連岡犖确記曾經六月嚴程不暫停炎日當空團午赤
遠山迎面賽秋青羈愁畫角三更戍別緒垂楊十里亭

到處解鞍孤影宿，隔窗高枕對繁星。
迢遞何心憶故園，高堂無復老親存。
長途攬轡難回首，前度還家正倚門。
人世乞榮何所事，此生無命不須論。
西行便逐湘江水，好共啼猿掩面痕。
七年三度入長安，今日驅馳效一官。
獨向南天尋瘴遠，長留北闕拜恩難。
此邦敢愛珊瑚樹，本計應餐苜蓿盤。
未必壤流能報國，寸心期與萬民看。

山行口號

客遊不管思妻迷，下馬先尋壁上題。
最愛荒村投宿處，好山露出屋東西。

疊翠層嵐杳莫分，祇餘飛鳥入氤氳。
僕夫未解看山色，喚著停鞭總不聞。

飄飄蜻蛚影欹斜，和雨和風漫入車。
好是撲窗看不厭，滿山黃蝶舞黃花。

涔雨初收散薄涼，芳菲一路靄晴光。
蒙茸細草風吹過，絕似交州桂樹香。

圖畫天然次第開，舉頭高矚又低徊。
分明已見前山盡，不識峯巒何處來。

磊砢嶽嵒劇不平，望中時有白雲生。
汶陽一帶山爲屋，多少人家石累成。

夢陽堂詩集 卷九
胸中垠堦鎮相關莫辨忽忽指顧間談到俗名心覺是
夜深騎馬看宮山

衆峯多少在斜陽側坐車檐望更長牧豎柳陰眠正熟
半山如碣立牛羊

十日經行雨未休天公偏是靳羊流山中偃子朝祈禱
折得楊枝插滿頭

萬里雲光火鑠成汗溝流血馬長鳴宵來一夢真幽絕
踏雪蒙山頂上行

宿羊流店

戀嶽不忍去十行九回頭崎嶇漸欲盡稍夷至羊流三

峯向天門嶄絕勢若侔蒼蒼徂徠色歸鳥連雲浮緬懷
仁者風寬大裕蹇謀林下自角巾軍中且輕裘聞望感
賢達名同峴山悠更憶萊蕪長負哉難可留

望廬山

職方載廬維山川具可矚康成見偶歧漫作雷雍讀古
字雖每通此義非轉屬

廬維卽廬維鄭氏牽合禹貢以爲字誤非也與雷雍亦無通轉

我今見廬山廬水因相觸後人強附會又指廬生躅仙
藥不可求潛逃入山曲秦皇登之罘屢駐琅邪宿豈有
當厥衝趨爲鼎中肉曩時極周行若士一何熟何不期
九垓翩然勝黃鵠去去勿復論相傳固流俗凝望且開

懷山光淨如沐

蘭山道中有懷王菽齋蔣雲簪兩同年

憶昨歸鞭正南指瀕行爛醉蓮花裏師門本是蓮花池
 兩君麗絕芙蓉水曩時出谷鶯同遷簸揚轉令穰稂前
 戊午鄉試余系列榜首驚馬而今却遲顧兩君行蹙青雲邊清宵
 接枕蓮花府抵足忘眠漏深語意氣酣醲彼一時三人
 偶聚成千古師恩友誼滿胸中馬首翻嘶欲向東夜夜
 回看雙劍氣寶光直出華不峯瑤華贈我書在扇執扇
 當風如見面昨二君有詩贈別風前吹過菡萏香彷彿聯吟海
 棠泝前去蓴羹且暫嘗兩君不免仍他鄉他時歸騎不

似我柱上標題知幾行昨在濟南學署同咏活水荷花詩故篇中累及蓮花芙蓉菡萏也

蘭山夜月

借問茲何處他鄉沂水濱何曾愛明月偏自照愁人前
 度同良友當年憶老親寸心無可道獨坐向冰輪

夜宿沂水遇房生屬題太尉遺像

草昧初資創造臣委蛇誰識更經綸功成樂毅原千載
 論定蕭何第一人餘事文章推倚馬羣才風度括圖麟
 客遊正切高山慕颯爽無忘道路陳

郟城道中有懷許楚生在武林

荒垌月落早登車忽憶良朋千里餘阮籍窮途猶不免
薛華長句近何如桂林此去雲空隔淮海同歸日豈虛
儔輩論詩君識我他時應共草堂居

過宿遷田家

溟溟細雨早秋含人處堪投且息驂行到此鄉風景別
葛衣草履是江南

自都還揚知家兄赴海陵治商賑因就視光孝寺

中止宿成咏

離情牽客到雲邊祇樹陰多倘乞緣佛座高瞻人十萬
僧樓遠話路三千拂來征霧消歸海帶去炊烟散滿天

劇愛吾兄聲譽好相逢我亦醉安眠

輓鍾啟厓

懷

吾鄉攻漢學落落四三人嘆汝丁辰已從誰辨子寅

君著

有春秋時日考彙錄示予且寄書今檢之未得舊牋空彷彿遺稿自紛綸惟有

江焦輩

謂鄭堂里

偕子益愴神

過孫紹成齋中

灑絕高人十笏居木犀香裏間芙蓉兔尖繭白端溪滑
坐對爐烟寫道書

贈善奕彭生

士有擅場技苦尋心益甘不然較兩手何事向人談莫

怪逋仙昧須從阮令酣未教輸一著君思得無貪

啟篋觀舊時印章傷吳仲山

眼中何物能藏巧怪底吳生死偏早鑱刻風雲信手爲
哲匠良工每傾倒昔年送我遊帝京要之立鍍雙瓊
英右肘風剜苦難屈竹筒吹火宵經營摹針畫薤心超
越耆爾千鈞逗毫髮倔強昆吾左臂持鬼神不代何由
軋可憐斯子名公後道路無人識誰某落魄江淮已不
堪如何暴骨傷邱首縣鶉負郭家無賴數載遺孤仗良
友悔禍人能天竟殊慘絕兒殤婦難守嗚呼吳生應有
知聽予爲爾歌悲辭衡石之西委羽蔽燭龍不照將安

施浮生若夢古所嘆世事可到奚猶虧生死雖殊感則
一瞿然未忍興言斯挑燈覆視心如醉拔剔朱丹便高
置此後相將署五雲印泥不用君刊字

晚泊潤州同艾塘濱石懷西山

江水明人袂扁舟此載欣遠潮生靜月高樹落空雲夜
久聞三弄秋寒歷半醺羊何兼有作隔渚漫思君

舟中望白鷺

露氣連禽迴秋澄滿滋灣風情鷗鶴外色相水雲間鈞
遠絲分映春多鼓疊還避舟頻上下到汝不能閒

丹霞篇

丹霞吐奇氣發自崑崙山飄颻隨海水浩汗生波瀾白日麗無際文章鬱中天輕綃雜襲映彩翼共相旋朝臨青綺側暮起赤城邊仙人飲沆瀣顧此復求餐玉廬時灌溉金鼎佐烹鉛一服換靈骨驂鸞升紫烟九光連上京遙視但爛爛不覩所興觸焉知消歇端異色良可貴所嗟零露溥中宵一滯隔惆悵無由宣

古意

十五娉婷入漢宮轉旋鴉鬢已成空鴈門山上歌聲苦誰識飄零盛小叢

白蓮黃玉委泥沙千古蛾眉屬嘆嗟好是國香天不惜

行人空折已殘花

江文叔留飲康山草堂

白日倦塵壒愛此山間幽山間坐移時林樾聲颼颼微雨西閣來好風振新秋蘭芳不自歇夕氣空中浮主人攜淥醪酌我山下頭四圍澹水石百尺寒松楸鳥韻時一至蟬聲猶數流晴雲覆榭轉皓月當峯投歡言攬疇昔揮塵情夷猶問訊擴知本窈然窮進修伊予尠津筏放浪同虛舟徒聞陰鏗苦未覺傅毅休君家有彩筆夢寐堪相求十載富文藻竭來懷匹儔泠泠感善聽此意誰當酬緬彼浩渺心終焉向滄洲

秋夜望銀河

更無青鳥降瑤臺天上因緣也費猜半渡祇愁烏鵲散
一槎空拂斗牛回白雲明月長終古畫閣朱樓不再來
却向深閨憐少婦鴈飛螢度幾徘徊

行雲篇

粥粥行雲隨風安之飄飄變遷淹息何時由東而西自
北而南昨流而白今鬱而藍不如水滔滔日夜流赴滄
海一從初見時了然識所在佳人不可期悵望未曾移
美酒百斛金樽玉卮區區不得獻安用寸心馳濛濛之
霧濕我衣裳我心徬徨茸茸之草上我室堂我心憂傷

天晶霧收根斷草死馳書遠人曷不狂喜悠悠道路間
誰相親誰相親願爲雙飛翼持底送行人

飲家兄十一樹梅花書屋

羅浮山下雙蝴蝶招我浮家向南粵鵲鴿中道忽分飛
握手牽裾慘將別開樽飲我送我行貽我書劍贈我銘
我妻我妾赴嫂酌我妹薄澣來將迎可憐我姊獨不見
病深腹大命且傾愁來暫拂休長嘆且對當前白玉案
絲繩碧壺春乳香縮項鱖魚長尺半人生萬事蓬轉頭
今夕焉知有來日我醉兄歌歌勿慢一曲能令鬱陶散
君不見階前梅樹十一株當年共命爭榮敷到今已有

三四枯吁嗟生時愁嘆沒更苦空令嬋媛悲女嬃

哭方氏姊

久分憂成疾誰知病卽亡眼穿無復見心損不禁傷照
影虛啼鏡牽裾罷繞牀年來痛慈母今日更悲涼
數載貧兼患情親賴姊扶倉皇憐骨肉屈曲慰頭顱已
矣今如是哀哉生豈徒從來驗奇異福善理應無

小坐

小坐非如昨疎簾晝亦涼閒情睇秋草一路送斜陽雁
欲排何字霓堪織作裳烟霄無限濶八月此清商
赴粵前三日汪孝嬰李濱石洪子雲方應鞞汪星

言集洪鈐菴齋中文會招子夕飲用賦別章

平生相得幾朋儔文字都堪讓出頭今夕競開花五色
何時重聚月三秋虬松慣倚聲兼別玉笛閒吹韻解愁
此去衡陽雁回處遠人纔似到并州

登舟赴粵

此去眞遙去今遊異昔遊隻鞦韆輕萬里孤劍短千秋灑
淚看兄妹吞聲託墓邱故鄉容易擲一夕到江頭

別兄妹再作

將行何忍別惜別那禁行淚到臨時出悲從往日生艱
難一以去輾轉百無成還矣休相送前頭有鴈鳴

月夜渡江泊舟觀音門

萬頃天垂夾岸平孤舟日落大江橫濤聲入雁歸牛渚
山色隨帆指石城此地代遷餘故蹟當年人起爲蒼生
初程遙發情無已回望金焦眼倍明

舟泊三山夾試撒小罟獲得比目魚一片汎浮不
動舟人急網其右片乃合而遊泳自得頃而投
之

客路成游戲天工宛化裁直從中劃斷翻遣半分開可
是同饑飽居然著卵胎 聖人長有道多見此魚來

早泊

早泊依山寺山村疊幾重竹光團野雀波影落秋鐘小
犢僧牽飲新糧叟課春坐殘看夕照留得兩三峯

望夫石

望夫石江之涯石與心無轉移爾夫已成塵引領終何
爲何不當日化作雲乘風上下隨夫歸

舟行見江岸演劇

十里風傳節外音泝洄徐破寂寥心山光豈解縈歌舞
江水眞教閱古今萬井逍遙田野樂扁舟躑躅道途深
篙師指點當場事觸我蒼茫思不禁

望青山懷李太白

我過青山已三度今日題詩弔君墓移宮換角久不成
一片蛟龍繞船怒詩篇萬古傳人口舉世茫茫孰知故
曹劉鮑謝未覺亡空對寒濤感毫素蟾蜍蝕月光不生
蛾眉謠詠誰聞聲食其徒勞輟洗見賈誼何爭前席榮
夜郎有恨難回首采石江邊百壺酒夕攬朝寒無限情
錦袍玉膳夫何有乘時匡佐雖未卜往事終占利無咎
此地相知一死生當塗縣令宣城守繫予瞻望心縈縈
昨者適從齊魯至今茲又向楚粵行一年萬里經過路
強半先生釣遊處江河衡岱拭目看到此徘徊亦難去
龍山月敬亭雲多少清光都爲君夜夜長庚懸象出千

秋終照一孤墳

次蕪湖

朝饗別姑孰登舷送青山天門屹然峙設險如重關長
風吹征橈浩蕩滄波間江南五六郡指顧悉在顏孤踪
倦遊遨終歲弗少安苦寒經北薊炎燠趨南蠻簿書非
所習把律私自看中途覩奇勝迴慮耽幽閒日夕臨鳩
茲細雨飄層巒鷺影散涇表漁歌出林端素情期所愜
酌酒聊盤桓酒酣興方烈慷慨咏伐檀

靈澤夫人祠

葛葉淒淒黃鳥清大江行處盡關情卽今試看岷山水

流到江南總不平

過于湖有懷梁蓬山 雲五 同年里舍

飄飄誰識道途艱回首觚棱杳莫攀中夜片帆臨信口

故人一榻尚燕關靈棋數叩會何事長鋏空歌竟未還

借問家書幾時到休從天末寄愁顏 君酷信坊間生
生數日以占視

魯港舟次寄懷同年韋赤城 蓮標 戶部

別來忽忽三千里歸夢應馳大江水大江直下赭圻東

君家正對赭山峯停舟欲訪元成宅雨濕中逵空履跡

逡巡便泊魯明江尺五城南望徒隔憶昨金臺相見時

狂歌飲我三百卮蒲葦未暖惜分袂七聲怨盡陽關詞

而今江上空寥落俯仰虛舟任旁礴屠門大嚼亦可憐

北望長安是君樂

聞雁憶家兄

別後倘無恙自茲相慰稀遙憐北窗裏愁見南鴻飛鄉

樹日黃落江雲空翠微所思不可道回首事都非

繁昌道中有懷凌廣文仲子

落日澹悠悠飛鴻下荻洲渚深雙艇隔山遠半村浮早

麥青於晚寒桑綠似秋故人何處在東望是宣州

風阻荻港登鳳凰山同江默菴作

三日停舟不得進入曉挂帆風轉盛山靈語客試登山

磴道盤空入空徑此徑蕭慘古木多佳哉十月翠枝柯
一峯獨壓孤寺頂怪石嶙嶙嵯峨以峨嵯峨山巔遙且長
鵲頭秀出中峯旁九子凌波勢欲渡迴瞻天柱雲蒼蒼
蒼梧飛翬大梁雪青冥沆瀣何微茫江水縈環一顰帶
我行正欲從西航數帆却下揚州疾欲往相從安可越
歛襟拂嶂坐幾時恂怳萍踪爽然失十日辭家漫道歸
十年但恐歸難必江侯睥睨知我情邀我更弔桓公城
桓公遺臭曷足矐不見山家碧醪清拚取十千沽一石
與君同醉五侯鯖

題披髮道人廟

繁昌鳳凰山阿有小祠崇半仞中設一像偏頂
散髻而坐土人稱爲披髮仙謂生丐於是沒卽
葬山崖間後有見之江上者因立廟以祀云

小像裝成體兀斜居人傳說是仙家崖邊啜飯常留石
澗裏藏衣尙憶麻此事信耶將附會卽今觀者漫咨嗟
出山借問曾沽酒蓬鬢難簪三朶花

越日未發再登鳳凰山頂

弭棹何須怨石尤今朝還上鳳凰頭差池社鼓鯨聲出
廓落江帆鴈影浮照水山光無遠近泥人風景似春秋
解吟如練吟眞解目斷宣城謝眺樓

過銅陵

前賢未擬還信覺銅官樂山光淨屏障江勢空城郭浮
鷓正欲斜吹龍自寥廓極目秋浦雲輕帆鳥邊落

江晚

虹散一天文空江日漸曛樹深烟裊月風疾水流雲驛
火星星見漁歌曲曲聞夜闌羣動息寒霧冪氛氲

羅刹磯弔黃侍郎

淮揚烽火接青冥誰向東山賦雨零三部已聞空晉室
一夫猶望哭秦庭衣冠江上楓林冷巾幘溪邊石影腥
日暮孤臣魂返處應知高廟少神靈

祝家嘴舟中同江默菴方至弟

荒洲一望迥無烟繫纜臨江浪接天相對冷禁千里雪
最難孤泊四更船酒酣說劍龍爭聽燭短裁書鴈欲眠
宦跡羈踪等蕭瑟男兒何處不堪憐

皖城正氣樓放歌

我昔憑軒望江水瀕洞奔濤去無已乘流便付錦鱗書
問母平安北堂裏今朝重此弔余公松楸未改青山同
英靈颯爽倘相鑒可知一從瞻拜至今披裘帶索泣血
悲無窮孤忠望北空成望到死難全一州障五廟雖留
姓字香九泉未必神明壯臣為臣子為子哀猿兩岸相

對啼一點寒心落江水

大觀亭晚眺

天風吹客袂振策此夷猶落日明窮海浮雲大九州五
年三艤楫千古一登樓生事滄洲倦何時狎白鷗

舟中感懷

輕帆得得送斜暉且向江頭暫息機鴻雁幾時纔北鄉
鷓鴣從此竟南飛交游夢裏尋都少兄弟樽前聚已違
他日傳書五千里清湘難問鯉魚肥

舟坐無聊戲爲烟草命名同默菴作

小草偏能解穢氛一生牙慧吐氤氳醉心好爲呼蘭酒

噴鼻頻教繞麝雲曲舍幾時子共爾深閨何處妾思君
相親到處難相擲遮莫無端向夜分

東流道中

深寒朝釀出雪意渺然晴晝短綿綿酌風欹濼濼行躍
空單鵠遠棲草一塵輕好逐南雲去天涯有弟兄

宿馬當北岸

渚複朝崖轉風迴夜舳橫寒燈依櫺色虛枕挂濤聲久
客愁翻遣清吟夢忽成從來棲泊士何苦逐浮名

登小孤山

窮幽信天介返風臨巉山相看謂過歷及至乃躋攀作

鎮江海會建標吳楚端巨靈安可擘六鼇戴盤桓憑組
陟丹梯閣樓滿空環俯窺驪室杳側顧羲御閒踞石嘯
孫登躡雲呼子先杵林旣蒙翳篠陰亦植樂水宿鷓相
呼遊思得無還方移謝公屐迴睇驚心顏

彭澤舟中戲筆示內人等

小姑恰與彭郎對此地風流奈若何輸我獨傾銀鑿落
看卿同試粉多羅好將鍼絕燈前玩莫怪書癡月下哦
爛醉太常殊草草舟中三十六旬過

過彭澤

憶昔顏公醉彭澤始安麾蓋遠相迎我行正向始安去

今日纔過彭澤城五斗折腰堪笑客萬錢沽酒若爲名
柴桑栗里鄉園近爭似浮雲澹蕩情

渡口

斜陽山外斜渡口喧爭渡兩槳不須忙一葉風飄去

曉發湖口

不識箇提路空聞九派開寒潮星子落細雨鳳平來風
動連嬰井雲歸向鹿臺坐看天鏡越憑柁首重回

潯陽夜泊

千重山氣連雲氣萬點星光接水光北岸遠呼南岸語
大舟橫斷小舟行蘆裏提壺張雁客柳邊敲火捕魚郎

朔風料峭寒鴉鬧桑落洲前夜半霜

潯陽舟中寄曹雨鄰

一見廬山眼倍明移家端欲住湓城有官未敢尋匡俗
無子何須慕尚平別後三幡誰共論愁來一札總難成
居恒愛爾如兄弟獨向天涯憶舊情

夢陔堂詩集卷十目錄

古今體詩八十五首

夢陔堂詩集卷十

江都黃承吉謙牧

夜泊聞諸舟情話感作

逼聽鄰舟語心隨境屢更卽茲堪了悟何者是平生水
自滔滔去人終各各行明朝千百里相隔那聞聲

晚色

晚色低垂接大荒江流一岸湧晴光濤聲帶雪時噴薄
日影浮波漸渺茫遠道望趨銅柱外寥空思繞玉繩旁
篷窗所對惟妻室坐憶詩篇四詠長

鳥啼

夢陽堂詩集 卷十
鳥啼方切響琴動有離音此是風中得而非物外尋長
謠興不遠獨念感何深道路逢人語扁舟處處心

舟夜

宵長無那已三更却掩篷窗任月明眠後尙聞人語響
覺來惟有水流聲

江上讀劉隨州詩

倚櫂吟何已風光近楚賒身名七澤著詩句五言誇岸
影空江合山霏落照斜徘徊看鳥翮顛頽極三瓜

江州曉發

森森煙波望五洲昨宵風景記全收窗前廬嶽三冬燒

枕上濂溪一夜流吹笛似聞桓叔夏繪鴉難覓李營邱
曉來乘興看飛鳥又引征篷泝上游

望廬山

抗手宮庭十里餘撲空嵐翠繞衣裙蜀江流盡山誰好
吳壁撐開嶽不如心亂欲趨蓮社滌病多難望杏林除
歸來計日頭應白何似丹崖臥讀書

江上讀漁洋詩

數讀不曾厭君詩如蔗鄉當時邁諸子風骨到三唐簫
管秦淮盛輜軒蜀道長吟懷大江水今古閱茫茫
風疾帆飛引酒獨酌徑醉再題漁洋詩帙

輕薄哂王楊羣兒嗤李杜大笑千秋博戲場臯牟一擲
誰知故我昔吟詩陋建安謂其篇章褊偏辭懈寬一語
千人萬人道雖欲噴激無波瀾開天之間始能讀大歷
而還更娛日元豐以後造語不經人何異鑿險鎚幽窮
九曲十年當膝磨穿後消息程途徑回首楚客懷金漫
北行鄭人取玉應南走筆硯縱橫已盡焚逢人欲白未
能云時時顧盼曹劉席夜夜低徊屈宋軍漢家樂曲誰
能效此事青蓮不解奧元白張王苦漫爲天許狂夫入
神妙自從昌黎學詩宗少陵後來繼起誰不稱少陵屈
伸地下任窺測不知掩口胡盧輟未曾空山落葉無行

跡誰是當年詠歌客自笑操觚已後時教君不見韓陵
石君才卓犖我所知君詩奚過韓退之間時稱黃道白
謝時輩可憐一何所覲非鍾期玉山傾欹吾醉矣彩筆
題箋壓江水醒時若悔少作習未除請問漁洋山人阮
亭子

初入楚界

不復成遊子傷哉又楚天亂愁牽漢水荒夢入蠻煙鬢
影銷今日濤聲怨昔年誰令虛薄養來此覓金錢

故人行

我知故人好恨不事故人早我愛故人多恨不知故人

夢陽堂詩集卷十
少故人愛我勝他人十載逢之握蘭草停杯憶故人逮
來相顧何其真珊瑚玫瑰不足報惟有白璧修其身修
其身使之嘖使之嘖使之笑使之逢人向人告逢人告
言謂故人琮璜璧圭修其身

晚泊憶家兄

茆屋沙汀映有情數家臨楫晚風清江雲潏潏月初出
山木颼颼猿一鳴沉去鄉關隨雁迴狎來波浪與鷗平
吾兄不料扁舟趣遮莫相思白髮生

將至龍平阻風循崖登望

川峴澹無際滯淫心轉舒舒情非吾事旣邁復何如朝
聞兩籤發晡越一成居寂寂舟子念遙遙慊從吁興言
緩循甸坳隩互縈紆溪光搖短樅樹影覆斜厓貞幹素
凝蠟蘂枝青綴珠看籬叟迎客問山童起予微躬鮮鍼
淬覽鏡企良圖五筦夢不到飛鸞渺難趨索成萃豈在
劇來恬無餘姑焉息紛牽臥起隨徐于

自龍平曉發道中作

輕帆如鳥過容易失看山莫漫愁風割開櫓放黛鬟鷗
飛富池水雲度木陵關爲問停橈客南遊好是還

過黃梅望四五六祖故蹟

破額山頭月滿天虛空解脫縛誰纏再來濁港跣趺坐

一事新州獨獠緣花葉望雲還橫出袈裟度嶺不重傳
江流淨繞菩提界應有參龍與護禪

風過蘄州未獲登岸

蘄陽塞鼻舊超羣虎目龍頭方勝文我欲覓將誇示客
晚風吹過驛樓雲

桃笙象簟勝籬條爭似蘄陽好竹膚七尺鮫綃求不得
來年閒殺碧紗厨

屆積布山將泊復進

掣櫂綿羣峯纍纍莫名似不知何神靈錯物置平地一
壁出瞰江遙臨儼車蓋過此峯更多膠連疊形器滯留

已經旬始見帆順利擊汰迎澆流颯騰去如驥行行轉
山曲颺折舟橫濟坐立忽下趨欹斜恐顛墜久客知風
濤忠信豈不事醜毒懷宴安篙師漫輕試夜色含朦朧
岩巖互虧蔽但見胥騎來詎暇展衡視初聞蘄陽櫂再
聽蘭溪吹一發兼數程欣然已忘悸

洲上曲

一日行一洲洲洲自紆緩白鷺洲上閒何苦不飲滿行
亦復非心坐亦復非心日暮芳洲望江上可行吟

次黃州望武昌縣有懷

前度經過細雨催晴明今日好銜杯樊岡赤壁兩俱在

漫叟坡翁胡不來
謫宦扁舟呼客泛
沉居瘠土付兒栽
名賢浪跡知多少
天遣江山著爾才

江夜

白雲無盡繞空隈
鷗鷺曾驚第幾回
我在舟中看江水
猛然愁起似潮來

晚眺

帆檣何處出向晚
傍洲頻樹杪添鴻
字峯尖減日輪市
歸行把笠漁輟笑
牽緡欲乞銀縑畫
慚非米友仁

江霧行

我從船頭入船裏
是時江月清如水
須臾衆籟寂已收
我從船裏登船頭
無端莫辨何所極
但覺江天總無色
檣艫咫尺望不明
漫空籠罩如有聲
遠山近水中邨落
頃刻蒼茫無處索
大舍細入濕杳冥
下噴鮫室上浸星
依稀記得前邊樹
樹外迴環百舟住
回頭一眩忘東西
扶竿側足不敢移
江天月霧妙如此
且欲禁寒看霧止
人眠鳥宿龍睡酣
明朝此霧聽我談
悄然獨立終何已
還自船頭入船裏

舟望

客子愛延賞舟人
欣發程山名欲住
問帆影不停行岸
逐浮雲遠波連白
日平誰能令五兩
翻倒向東迎

十一月十七日至漢陽

昔去此而怆怆兮，但喪予之親兮。今歷此而悛悛兮，羌

獨降予之辰兮。

子以是日生

山之岫兮，水之鄰兮。嗚呼哀哉！

莽無垠兮。

五哀篇

昔人作七哀詩，謂發於七情而哀也。予至漢陽之夕，耳之所聞，目之所見，心之所思，足之所踐，口之所接，無非哀者。既成短歌，益不自勝，更爲此篇，聊以當泣。

漢水兮滔滔，極盱望兮遼遼。我今胡爲兮，又涉此濤。昔

日揚舲兮，覓將母之豚。羔歷冬徂夏兮，時匪遙。高堂半百兮，年華豈凋。胡使噎噎兮，返空巢。嵒山兮，鬱嵒嵒。吾欲扶爾背兮，剗爾尻。使爾驅後來之人兮，襁褓襁。襁守蓬蒿，寧晨昏相對而怫鬱兮。籊籊淟，忍事黔敖。無令憾鬼伯之不仁兮，咄吁噉萬古。莫贖對冥蒙而空號。異哉吾於此邦兮，何尤使我見漢水兮。心搖搖恍塢霧之乘我兮，覩層薨列隧若前生之相遭。人亦孰誰而不喪親兮，偏予情之惛惛。予佔畢而闕養兮，計服賈以暫要及親年而少別兮，或迎膳乎斯郊。慙欲歸而未成兮，緣忠信以自膠。不能負米而還家兮，翻星奔而警警。終

亦知倚閭之何情兮期一見而寂寥彼人生皆若夢兮
吾更夢中之浮泡惘然悔恨乎此生兮向空門而難消
卒日紛桂灘兮路迢迢何日歸來兮安二親於山椒毋
亦前途不可度兮似曾經之飄飄羗無言兮竟去愁堂
構兮遠承昭

舟中望雪

剡剡何無垠漢江千里雪蒙茸三日下不見龜山缺絕
岸少人行輕舠往來瞥草衣幕半形疎篷壓將折是時
歲方除砰磅爆聲裂殘紅散船頭綿密映殊絕千檝靜
不揚羣燈朗如滅舟人喧鼓鉦飄飄暗成節長風天外

寒波濤失魚鼈明發瑞光凝晶瑩耀蘇纈

臘月廿四日漢陽舟中

久爲朋簪滯冰殘棹不遷亂濤催過客寒日引歸年泥
飲懷傾月高歌調拍天還連萬船爆聲響半空懸

漢江除夕

年華隨處換今夕此紛紛樹擁連山燭波流隔爆雲市
兒頻俚曲舟婦亦繁文促膝全家在藏彊那自分

漢濱曉望

漢陽對武昌輕舠好來去不知舠幾千但見行人渡
艤舟三十日日日半陰晴遠岸朝來逼方知春水生

剪燭

剪燭思無既低徊數顧身多愁難作客遠別易懷人皮
卷餘殘墨縫裳溢舊塵一官何術效且去莫逡巡

明月歌贈江默菴默菴偕予至漢陽行當卽返揚

州

朝懷明月情暮見明月明明月逐我去我隨明月行與
君昨夜看明月明月相親不能沒細酌蒲萄映綠江我
醉當歌爾當罰今宵明月又重回願得歡呼盡百杯一
朝明月不相見夢想白雲歸去來

發漢臯

我行路幾何瀾瀾五千里漢濱多故人輟駕猶可喜今
朝掉帆去揮袂情無已生平未歷鄉獨往詎云美西南
入孤天江盡逮吾里逝者雖不停何時到海水去去望
行雲悠悠見大軍幡然憶吳魏當日此紛紛

沂江若不轉遂至蠶叢國巫峽多啼猿臨之恐悽惻洞
庭春水生我舟不遑息邁行弔湘君不往更何陟今茲
適荆南去年在燕北俱見雪花飛如何異陬域

正月十六日子由武昌南上送默菴還揚州

那趁風鳥去揚帆各望塵半途山別友兩地笛思人獨
酌難勝夕聯吟不繫春南鴻今北鄉呼取送君頻

初晴晚泊

晚泊窮沙渚帆檣逐隊斜山脂萬點雪江錦半天霞遠
寺分邨店孤鴻入鷺鴒不因隨徑轉那得問梅花

由金口驛將至東江腦遇風示舟子

拂岸空烟四渺茫更無城郭近堪望江波盡日連飛鳥
草積多時繞牧羊客子任風何處泊舟人隨水一身將
都來各有情難訴相對篷窗道里長

沙羨坐雨偕方冰石從弟方至

江雲不掃天如冪雨濕空船半窗滴遠岸蕭條縛屋寒
邨童斃足臨江滌麻屯帆下陣連雲疾鳥輕飛度水痕

客意貪程苦留住風烏引吭隨歸羣大船四閉無聲息
小舟茨覆人相匿乍似將晴更日中萬頃溟濛雪無極
將眠更坐傾綠瓷瓷光滉漾青琉璃京口衡陽會稽酒
較清量苦分曹醜手折芳蘭競藏覆舉肱輒中人驚疑
以此綢繆忘去聲陰沍醉深啟牖當風漪細聲不覺俄成
霰飄瞥珠英散郊甸漁父將沽何處沽瀝餘可逮恩難
遍却念南行勝北行今朝騰醉有歡聲若教風雨車中
坐罽凍轅塗何限情去夏出都遇雨
坐車中累日

蒿洲晚泊懷漢臯諸友

層雲忽轉暮來晴騷屑篷窗眼乍清高岸迤斜燈上下

夢陽堂詩集 卷一
曼洲闌曲水縱橫江陵市船隨風遠魚嶽人家待月明
我別漢川經十日今宵彌切故人情

欲暮

欲暮江天疊畫圖書中人望遠模糊側隨雁鶩帆高下
倒入雲霞樹有無乘月緩投前戍宿買魚急就小船呼
閒情易觸緣鱸膾日斷烟波是五湖

平沙落雁行

江溶溶沙漠漠一片聲從天上作初聞未落人盡驚空
中萬吭同一聲有如風飄雨疾颭爾至又似笳鼓狂驅
千萬騎欻然一撒天光轉百頃沙厓齊立滿疑眸戢翼

頭盡昂宛然銜枚聞寂臨沙場須臾一叫羣相和遲疾
參差無一箇若呼若答企足旋萬翅一起如鈎連羽聲
刷刷振林谷砉若倒瀉波濤橫裂竹噫吁嘻斯景可遇
難可求我生不負江天遊異哉微禽整肅乃如此無怪
雁行陣法傳孫子

嘉魚道中升舵樓晚眺

極目帆檣指夕曛憑高一覽致紛紜流開蜀水千重浪
散落吳天幾許雲聞道此間麈赤壁不知何處弔湘君

蒲圻縣治有
碑載二女事

從茲更入湖南去回首江鷗是舊羣

次幾家洲

夢陽先生詩集卷一
江行日日趁留題，雀去鳧來望欲迷。
牽纜岸隨人上下，轉帆風逐鳥東西。
天迴遠日山無盡，路逐春心草不齊。
程緩未能期，破浪夜深何惜聽鳴雞。

過沙陽

迢遞刀環口，陂陀石子岡。
風雲仍指顧，吳蜀此存亡。
浦勢迴飛鳥，江流亂夕陽。
帆高誰肯泊，沽酒向漁郎。

沙陽道中寄懷江綸佩猷昆仲

忽忽年華換，綿綿道路新。
山光憐過客，衣袂想離人。
坐久惟看水，行多欲化塵。
從來酣絕處，知爾故尋春。

次陸口

客行占五兩，十望九如何。
向曉多凌汰，方中輒傍阿。
風來任轉信，水去莫迴波。
初興茂獸口，旋迤下雋河。
脈脈河干止，泠泠白鷗起。
密葑畛斜分，修陁岸率迤。
瀨入呂蒙城，祠連丁奉里。
江濱有丁奉祠碑云奉相傳爲嘉魚人
相憶不殊時，相看遽移晷。
晷移檣未移，悵然淹我時。
蟬影雙紅旒，江光一碧帷。
八方何浩蕩，一水自逶迤。
徒懷宗慙念，彌深少游期。
深期何處切，感物隨盈缺。
隱軫督遙情，踟躕舛芳節。
金徽莫適奏，獨坐空騷屑。
何當嶺頭梅，待我攀與折。

宿石頭口

客心無賴欲高歌，忽聽哀鴻喚奈何。
清淚莫教容易落。

三湘從此夜猿多

新隄福善寺酬練江上人見示失琴之作

空亭遠色洞庭烟鳥樹周遭不離禪我入夢中心已覺
不須重對十三絃

臨湘阻風

青天覃覃四邊垂中有一線藏蛟螭縱橫巖積風作之
湍流不斷聲亂篩東浮大艦去若飛我不枯坐將何爲
俯仰春情倦春日掩暉欲臥非眠時

漁曾一起雙編落船板晶瑩素鱗拍撥浪穿雲向我舟
銀條掣過將金錯我持春酒思故園幾日辛夷粲高閣

空濬渙忍不知花對此鱸腴轉蕭索

舟人請粟胡不憂我有萬卷載汝舟縱觀前旣紛在眼
更以足歷兼書求書淫嗜古勝飢渴倚甌最愛神所留
無錢有學自可樂况此春暖甯須裘所以人嘆平我則

蔑啻然問渚尋山邱

我行日在天低半忽忽高卑又中判昨悲晝短今苦長
坐使春心復凌亂駸駸步如傳去過回首東隅孰返

汗接顏捉膝難喻人人心何由知我嘆

昨者行吟烏林口今朝登嘯鴨欄磯鴨欄磯邊水迴棹
似是勸客還東歸我丁壯年正好仕汝無狂瀟令我稽

夢陵堂詩集 卷十
三
澧蘭湘芷盛無恙有待客子馳春思

曉發

長途風景最相關經過篷窗岸不還春睡正濃偏索起
早行生怕失看山

臨湘舟中望月

皓魄五番圓征鴻一回返祇訝北風稀不道長途遠參
差見杏花始覺春光滿聞道粵中炎餘寒莫輕暖

枕上漫成懷亡姊寄曹氏妹

滿酌宜城醉不呻覺來猶似酒沾脣江聲一夜風兼雨
客夢三更鬼雜人靜裏他鄉難著思愁中往事忽驚神

長春橋畔

先母
厝所

青青藻記得前春共奠陳

過城陵山

岸濶環層遠林疎占塔清四崖紅剡翠幾磴綠鋪平風
雨陽陵浦江湘邸閣城客帆前路別燈影辨遙明

江上觀落日

北岸維舟晚西瀛落照空鑪傾丹巘外炬湧碧波中遠
逐同夸父相看近祝融東隅何所失應問負暄翁

抵岳州

城堞俯山空波聲萬舶中雨傳神女疾風接大王雄一
線巴黔隔雙流日月通從來夢歸路極目感無窮

巴陵怪風行

吾聞帝子之出恒飄風今來正值風交通踉蹌天吳夜
不息銀虬雪貌搏虛空虛空震撼無聲入撇擘撞春萬
舟急撞欲崩摧撇欲流擘如相倚春相襲舟人黑暗競
凌波腰繫檣繩仗檣立引長拋重百難施縷似雲連鐵
山集我船三盪不可支欲離所傍愁無依風威况是離
不得幹旋實賴能工師洞庭春雨連天漲激切飛廉怒
相向水勢今宵盡却回湘源却恐生波浪少婦無端靚
此驚牽裾坐對可憐生瞪然僕婢更何事如此風波甯
可行嗚呼人生豈不懷鄉里薄宦偏羈二三子一夜心

旌百丈懸夢回錯認蛟宮裏

洞庭龍神廟

呼吸雲高接太清混涵樞紐貫幽明旗分虓虎當崖立
鼓挾驚鼉繞浪鳴萬頃烟霞輝棟栳千舟毛髮凜犧牲
不因靈爽天相畀爭得中流自在行

渡洞庭湖

茫茫何處著襟期萬古波濤一險夷帝子精靈左徒怨
度支圖畫拾遺詩天邊鳥落風迴處雪後春融水滿時
從此故鄉成再隔岷川不見使人悲

湘陰道中

遠樹晴巒雪色開碧波紅岸與徘徊今朝始見湘川好
如此風光底不來

輕風的的四邊迎滿眼丹青亂入情望裏不知前岸曲
幾重帆似隔川行

野寺遙邨接幾家亂簷斜鋪隱周遮門前樹色階邊草
幕過丹崖到白沙

清波搖漾轉深濃霧疊雲環雨後容借得好山遙映帶
瀏陽郊外一千峯

汨羅口弔屈大夫

今朝不合歌離騷洞庭無風忽波濤洞庭連帆幾千萬

我來奚見靈均豪懷沙一去久沈疇空懽恨與蒼冥高
南箕掉舌鬪牛斗失計白日違鶉枵芻茅淪祭三十一
革褸据拮前所昭致君王霸誠有志楚亡坐見秦禋郊
古者艱貞遜則吉纍丁敵國將安逃異哉揚雲茂曉事
拮誓反詰何嗷嘈奇文澶漫古未闕拔搯邱索騫詩謠
憂思所至自必至湘竹迸出新號咷白晝重溟忽烟霧
清秋萬木時猿猱尹兒姜婦挂頤哭文王亦罷拘幽操
弟子荒詞逞瓌異利精剗魄奮兩招卮當已漏安得實
豈有木石填虛寥賈生造託三百字綴兆武樂參韶節
褒懷朔諫競傾吐使我後起焉揮毫昨者辭親泝江澗

飢驅遠絜淳與曉無端含飯反失視茲患叵測甯可料
倫常遭值有至變不本昊降誰則教三年手把天問泣
泣餘悵望仍空霄揭來睢盱又一載割削往境重飄飄
踈心跂力期樹建北過涿鹿南斯臯長沙卑沕詎吾宅
狂走更入荒疆切懔懔望古心更切得不強住舟師饒
却憶從前十四五九歌最喜哦清宵聲情演曳動旁聽
左右環顧燈頻挑案頭編簡看在目廿年骨肉今皆拋
倉皇萬里有誰見舊夢一觸心如敲嗚呼夫子倘無恙
停旌輟我湘東醪我有銛鋒鈍不得與君屈曲揮長蛟

黃陵廟歌

黃陵之水兮溇漓漓以西來皇英之靈兮悅歧途而興
哀莽六合兮無極闕西南兮悠哉別離兮何辜憮不分
兮哲愚儼雍容兮翬翟立萬古兮踟躕踟躕兮鼓瑟洞
庭波兮沐月浴日攬蝟域兮交通昭精誠兮洋溢子規
兮夜啼鷓鴣兮南飛枺柄兮梨梨篔簹兮悽悽孰九歌
兮九嘆紛九處兮堪疑跂湘川兮蹙顰奚強號兮湘夫
人淚滔滔兮怫鬱疇忍託兮明神終天兮永訣音塵兮
覓絕妻望夫兮愴恨子望親兮嗚咽忽暴雨兮疾風靈
髣髴兮舟中吹參差兮擊鼓驚萬頃兮魚龍

由銅官渚入長沙郡

朝浮不終眠嵐光起眉睫名都信瑰異客意同漁獵參
差劃衆妍琴麗散羣愜峯出必萬尋雲橫遂千疊平岡
忽松檜小叢亦蒲葦曳檣丹巘行掇罩清波涉平生意
不盡宛轉成斯接濠濮喻忽深山梁悟方協御風遺世
情卽境難可攝睽極遐思多飛鱸渺何捷

定王臺歌

定王臺高安極我欲尋之不可得倚艫東望長嘆息漢
家分封遍九州子王母春誠可憂回旋不得職母由臺
崇岌岌湘悠悠何似淮南百尺連天樓過之者攀櫺愴
咽亦遠勝靈光之傑作九成層曲看星流嗚呼有親可

望故如此臺盛臺荒閱人子湘流北下長已矣

謁賈傅祠

寂寞長沙渚湘舫帶晚風荒祠一憑弔落日上孤篷此
地偏飛鵬其人合夢熊酌君明發去春草碧蒙蒙

楚中懷汪飲泉

昔年比屋聲聞校朝談不足暮經過思飄逐隼氣成河
摺撫古狂咸一羅後來逸翮翔之他苦覺泄越非能俄
有時舉趾還蹉跎有時欲步便著鞢欵然一見神婆婆
君遽解熱予除痾有作迭出相吟哦哦聲演漾如絲和
陳杭置茆騰雞鵝彈花吹雪飛鸚螺閒禽掠戶風飄莎

東陽先生詩集 卷一
六
旭日蕩盡歸金波去年我行赴春科歸來訪君空槃盞
手攜雜佩誰摩挲君不我顧疇君訶忪忪假住時易挫
忽復轉身向南訛我行水曲山之阿囊中貯得新詩多
叩舷擊缶思君歌水流彭蠡山嵯峨君兮不見如詩何

由橘洲趨湘潭

曉入南津路襟和百籟清邨連竹樹密岡疊水雲平風
過交禽語舟行矸石聲劇憐蘋絕處山色太娟明

礮礮昭山側深潭帶古愁向東峯又起直北水空流網

靜鳴榔急帆迴引筴迺城闌看欲近翻戀木蘭舟

至湘潭須

貨船別載

懷蔭華

六月急雨趨盧溝與君一別心悠悠蒹葭未得依玉樹
獼猴終竟乘土牛湘中漫道佳山水急沫危磯心欲死
望天海底不知高羨爾青雲幾千里

午過象石驛

何來怪石連天臥又見驚濤動地流屈曲湘川山作道
坡陀楚寺谷爲樓沉霾好日猶堪遣草率長途不稱遊
想像勞心望勞目此身風景最關愁

淶口雨

淅淅牽愁縷隨風滿路飄不知何處盡祇覺故鄉遙碧

柳迎眉蹙青烟點鬢消古仙居甚近吾欲問丹苗

泊金龍山夜眺

洞庭南上迴無埃藉草臨風亦快哉月影三更連岸出
鐘聲百級度山來水清曾戛魚應見天遠峯巒鴈自開
幽絕祇疑仙路近不知何處是蓬萊

金龍山望南嶽題雷溪寺

拾級環烟上羣峯簇浪來瀑流三百道雲湧一千堆古
殿蒼厖入空山白李開何須到衡嶽卽此是天台

入衡山界有懷都中諸友

何用驂鸞達桂灘眼中已似對蓬池帆應有路人難見

山到無涯境可知輕浪碧遊纖尾靜亂峯紅度夕陽遲
春明萬里如相憶未必諸君勝此時

衡山東岸曉渡

漠漠趨青岸洄洄蕩碧濃萬山雲霧裏一棹雨風中樹
影浮江遠鐘聲隱郭空舉頭看嶽近不覺詠俱窮

謁嶽廟題開雲樓

伏軾過岱宗騰驥不遑息峩峩瀟江峯引領亦未陟鳴
呼五嶽尊四極布楞塞衡居協三光在良稟離德膏流
九江波氣擁百蠻色封禪無瀆文升中有常式頃者荆
益交髮髯感熒惑稽誅憬寇盜魚鳥輔反側惟神實彌

綸廓落淨蠹蟻於今極舟車比戶安順則我來瞻神臯
眩蕩不可測五峯無端倪虛空杳奚冒白雲迷羣山豐
隆若在北雨氣絡不收茫茫壓深墨曉吾嚴冠衿舒蠻
積誠幅甯知春潦滋復礙篋輿力展轉艤離宮彷徨肅
趨翼俎豆曷敢將汗尊薦清湜繫昔名賢經陰霓遠消
匿吾德實不充斯境末由得再拜虔致申勤民固火職
我官必神疆烝哉佑蕃殖

衡州夜泊

茲城湘嶽衝雲水兩相封遠樹明江火孤峯出寺鐘
光沉晚霽屋次隱春濃中夜狂敲楫誰知酩酊蹤

舟中食筍

去冬在江岸澤梁觀取魚一網數千百網網無隙虛千
錢買兩石探選飽腹腴今茲市春筍擔筥夾岸呼一斤
纔幾錢擣集盈舳艫滿船頓頓食纖毳猶及奴此皆好
江鄉四野多歡娛天下盡樂利不數幽風圖竹態千百
種湘川鬱蕃敷戴李譜不到何蕩何絲筵娛目復悅口
此行非虛徒何必定食肉方爲滋味殊

夢陔堂詩集卷十一

江都黃承吉謙牧

登石鼓山

山由衡郡北迤而出高三十仞左烝右湘書院
踞其上外兩廂左祀武侯右祀李忠節芾再入
為講室最後即合江亭亭壁嵌南軒張氏所書
韓詩剝蝕殆半前郡守李君拔以善揚本摹勒
其旁又刊朱子書院記摹禹碑悉列於前庭李
君謂親見岫嶺峯碑字畫奇古視嶽麓所刻迥
殊為作釋文較舊釋易二十餘字如以佐卿為

夢隱堂詩集卷十一
膜明鳥獸爲畜瀉永奔爲烝奔按之字形殊非
謬妄拏舟登臨日已向夕摩挲往蹟泥不忍去
昔昌黎詩有綠淨不可唾之語今時春水暴漲
和赭而流波光艷然又非昌黎所及見矣

茲山未云崛獨以賢者榮兼持雙江會是以能騰聲歷
觀衆賢者明明如列星時殊道則一奚啻烝湘并盛跡
宜闡述足爲來者程懋哉賢太守兼能辨倉名我來念
權輿深嘆齊李營一爲遊觀倡一爲教學萌遊觀猶可
無教學繫匪輕至今彬彬士矩步能相迎曩者聞茲川
鮮纖碧瑩甯甯知春漲湧烝水流霞蘋瀕瀕還顧石室鐫

題罅縱橫何當居此間一榻聽泓琤

登鴈峯寺

昔聞驚絕地今見幾關神借問眞回鴈何因忽到人佛
光無礙著僧律半空巡江水臨承下融融萬井春

下回鴈峯遂之花藥山光孝寺

遊思鬱方深深遊醴餘適馳悰遠去聲舟路向晚西椒跡

入寺非術途循陬始登蹠方春睫流媚在邇心趨僻竹

樹藹遙攢溝池差近積花枝覩清疎野情澹阡陌雲岑

三舍開山有書院鱗櫂雙江隔遷延忘嶮徑散吟謝冠幘林

風飄去音崖月牽下屐無盡住乃常未來智猶宅妙明

空我心忘言獨歸客

鷓鴣詞

鷓鴣飛南翥不須歸孤翻對起隨日暉暫來相遇衡陽
浦乍可遙臨桂江渚玳瑁紛披背上雲珠璣亂點膺前
雨鷓鴣啼啼時烟草正萋萋客行不行聞汝迷聞汝迷
千萬里一聲親切何如此不管天涯倦遊子鷓鴣棲巢
故枝此生那得更相思蔽寒常帶家山葉避寒遑問他
鄉雪鴻燕空驚道路難鷓鴣不管風塵別離別奈愁何
路長悽鳥多啼殘杜宇血唱遍鷓鴣歌九折山上王陽
坂十去關前馬援坡關山迢遞無終極借問行人可憐

色可憐不得也須行三湘五嶺愁月明一飛一度一回
歇底許年年情復情

入祁陽界

山逼全無岸林封那見人樹行千雉堞峯點萬龍鱗雲
轉初開幔波清欲下縉行多祇覺好此地不生塵

過木阜數里前趨祁陽舟人輟操小憩登麓四顧
卒然成歌

我不識天公巧秘何如此曲鑿瑤池萬山裏千頃流將
碧玉膏虛舟似入清空起迎波四向無東西亂峯洋洋
使人迷去帆來棹了不見惟有天影相高低南人種樹

灘高更有磯相逼風迴浪倒衝空流天晴似覺陰飈颭
鳶鷗駭落虎豹避罔象與廣韻許極切出蛟龍愁行人過此
那不怖舟師急切難調護誓願宏將無畏施山頭一片
慈雲住磯長十丈橫入波三磯駢列如犁拖磯磯間隔
數十步一步一陟戈相磨撥捩喧呼動天地力盡三磯
纔過二維舟且住中上間徹夜驚魂滿灘墜此時安問
鬼啾啾大威神力居上頭迷津自有寶筏渡以是因緣
解脫故心搖目眩休紛紛明日此灘聲不聞

一叟

一叟東峯住西溪亦有名鬪雲樵斧濕穿水釣絲清菴

褐緣琴重緹囊爲酒輕停艇暫相值欲與換平生

湘川

湘川於我似將迎我到湘川福詎輕無那樹從雲外得
宛然山在水中行未來肯信清如許欲寫多愁妙莫名
怪底百端千萬態風光映帶總關情

社塘野步

山色幔晴空川流半向東箒沈孤寺綠塍裊萬家紅越
澗衣牽藻穿花帽落桐隨人渾樸盡舒嘯與村童

過社塘十五里宿

幾日登臨不憶家慄僚終覺感天涯風顛亂水聲衝突

夢陵堂詩集 卷十一 五
月黑危峯勢攫拏寒甚更呼將去酒悶多聊品折來花
陰晴怪底須臾變記取遭逢莫漫誇

遊浯溪觀磨崖碑

湘江灘勢連山長客到潭州換船上刺船多半永陽兒
問訊家山合停榜我來弭楫浯溪邊溪山幽絕不可詮
沙迴石轉樹高下但見百鳥啼春烟回頭仰視石壁上
龍虎盤拏屹相向道州文筆魯公書照耀江天鬱摩盪
當時唐室值踐蹂次山踪跡猶沈浮李郭功成始入見
立談可破萬乘憂上元大歷經年歲恢復重思天寶事
平原太守故身嘗爲寫中興三百字嗚呼辭氣何煌煌

至今觀者皆激昂雲漢崧高但歌頌未聞鐫勒垂宣王
儒生奮筆臣工記比將石鼓尤高置剔霧剗雲百丈懸
漫郎何必非狂士我從山寺尋摹本山僧轉道求須遠
三日停舟始得之一萬錢增柁樓飯溪風吹展日色晶
模糊十一九分明辭嚴義正畫端勁雙絕天南二使星
滿厓鱗次千家刻映遍溪光與山色苔蘚烟霏互結纏
蒼茫欲讀何終極風光千載傳三五家僮解刻真吾徒
後來元子碑不誣美哉亦是顏公書

浯溪觀石鏡題越南二使詩右

溪水清溪鏡明鏡中照得溪迴縈晶瑩帶縱色如漆箇

裏看山四邊出近收宮寺入簾櫳滿映湘川在堂室駢
連襞積字如梭對鏡題詩經幾多就中亦有日南使舞
蹈風流能解哦鄭懷德阮登第石上留傳汝名字大域
鴻觀許勒鐫高穹遠監欣遭值君不見磨崖大筆氣嶙
峴片石長留伴正人小邦縱有神仙鏡光怪由來不是
珍

將至永州

山光遙覆野田父傍雲行牛背鳥雙立鴈邊猿一鳴夕
陽帆帶影春樹水多情底為貪趨矚吟眸倦不成

題永州石巖諸勝

君不見江邊屹立數十巖一一直下如刀剗湘水如池
岸不出與波蕩漾隨輕帆帆欹宛轉依石壁壁上嵐光
翠如滴有時罨出石罅花香入篷窗手堪摘此間湛寂
非世塵山鮮水明更無人猿鳴鳥語迴歇絕但見碧沼
浮遊鱗深深曲轉霄遮遍不似江空衡九面我弄山光
却映雲雲連袖影波輕濺風光絕與江天殊若非閩風
卽蓬壺不知岫頂光明處種得芝田蕙圃無

泉陵舟中放歌

星精萬古泄不堅化為疊石西南天嶮岳間柯爭傀妍
朝朝引客湘川前湘川清波最宜人影間的爍桐花春

高溪之泉水冷冽烹來碧乳甘侵脣蕙圃蘅臯競鈎帶
豫章時蔽雙車輪陜迴谷轉孰辨處眼中盡是桃源津
巖花湛淡風吹蘋此時脫去烏紗巾榜人更唱漁者和
我行忽過瀟水濱怪石龍顛拍空去橫拖百丈堆隆鱗
仙真到此亦恍惚八十四渡如繚緡南望蒼梧叫虞帝
象耕之地何氤氳遨遊今日幾何日楚天一抹青嶙嶙
三春元氣吻不開中宵激作甸天雷百盪百決無徘徊
磅然萬雷波間來蒙頭襍被何爲哉入寥自覺難安排
藥囊丹竈倘相就攜六靈芝山上栽

山色

山色俄中斷湘流又一斜岸容低著水村意遠含花默
賞難名地幽棲欲傍家如何愜心處滿目是天涯

岸上白桐花盛開

晶晶清蕤簇景光碧雲春岸引人長風前和得氤氳氣
一片辛夷芍藥香

折得櫻蕊戲成

何處仙人掌穿來粟粟珠不知鉤弋見妒殺此花無

爬船老虎二灘水勢兇急船三進不得上爲之歌

曰

眠巖勃溪水高船低魚難升木舟難上梯

黃華山

衆山來湘源周流夾屏障黃華尤巋奇一壁繚萬丈上
如水準成側作繩直狀蒙恬築不齊昆吾削何曠南登
隨川崇地勢久在上高岸不肯平天施鬱難量傳聞七
十峯嵯峨屹相向舟行渾不知但覺背孤張桂嶺森憂
前越日震一望方寸圻墜多吾其得雄放

泊全州金塘入粵境

欲至轉茫然回頭萬嶂懸樹方棲越鳥人自泊吳船灘
月流山影巖花落寺烟清暉能慰客步履減愁眠

湘山寺禮無量壽佛

湘山如合屏環抱寺在內面枕湘江流瞰極楚粵大入
門何邈迤丹碧映闐闐循巖陟浮圖突兀山作背夙現
優曇花光明破幽昧巍巍嶺外宗似與曹溪對雙樹此
拂衣白毫照塵界螺髻撐虛空茵鋪紫雲蓋茲方多因
緣靈異莫具載神力屢扞民功出諸佛外山松蔭百里
終古壘蒼翠我來三月中已過松花會香體新茶毗肢
損骨未壞自性轉法華前機宛然在雖爲壽者相出入
了無礙何須問三幡隨人但瞻拜

佛身萬歷間自焚今
梅檀像惟存齒骨前

月復被火
灼一臂

全州松歌

全舊稱七百里松陰相傳洪武間守章復植康熙初猶存施愚山永州南古松詩可證其云眼看遭翦伐蓋指孫吳之變則夷燬於彼時可知今古松僅有存者餘多補植已蔚鬱可觀入粵甫經賦之神往

清湘夾道猶列松千株秀發新蒙龍客來不見古奇幹停車想像森蒼空古松傳自明守植歷三百載成虬龍駢連蟠結久無恙清陰尙對宣城翁當時劫火嘆翦伐可知銷鑠何兵戎區區溟孽延及此遂令百里停松風山川寥曠美無極此間合作千萬峯天公著峯不到處

人間亂插青芙蓉雲霞定受精氣邊霜雪那向塵埃封惟喬當日底獨絕鑿空摹繪難爲容卽今補種自低亞已有柯節生青銅就中古本餘什一坤輿偃蓋霄張弓零陵始安妙接壤湘山勝地居當中從來仙佛愛止息一天元氣涵鴻濛草木何心閱今古徘徊往跡烟光濃烟間忽出溪外寺隔松穿入前山鐘

望龍蟠山

臨風曉立聽潺湲一帶雲橫失翠鬟不是片巒天上挂誰知下有萬尋山

興安卽日

縮削寒疴強夢眠朝來小立試窗前柴門半掩蝶飛過
開遍一山黃杜鵑

一線西南石罅旁看山忽覺渺茫茫宵來橫絕雲千里
知是摩天越嶺長

道上見桃花漫成

片片龍鱗片片霞兩株相對阿誰家教人不愛青松樹
贏得風流是此花

初至省會

墨綬新除許治阿中年智決兩如何回頭但覺 恩光
近拄笏休言爽氣多鄧禹笑人朝入謁劉惔知我夜經

過一官了覺平生願客舍棖檐白日磨

伏波巖

假節威棱屬漢家伏波橫海勝輕車未聞馬服收徵側
早有樓船破呂嘉遺廟湘灘蘋共薦中流潮汐鼓頻搗
一峯近對連城郭獨秀春明映綺霞

劉賢良祠

昨過長沙渚高吟弔賈生還聞千載後復有萬言呈疏
直當時勢殷憂累世情爲臣那任激祇是愛昇平

登逍遙樓

高樓面形勝登盼宛然雄山勢分春雨江光疊晚風蘚

夢陵堂詩集卷十一
碑剝跡峭雲堞俯聲空極目吳天遠愁心併向東

戲酬劉明府贈磚茶

舊夢西江水隔遮滌餘腸胃減精華試將糟粕都剗盡
石骨泉烹石崗茶

贈臨桂周茶農

廷俊明府

無端手板下車迎依舊牙籤載麓行未必讀書非吏事
可知流水卽民情吹來桂管風生席衝過巖關雪滿城
佳邑羨君能冠領早將儒術重循聲

美女篇

美人遲暮端乃在盛芳年天桃照顏色和風吹曉前朝

居錦屏內夕宿綃帳邊良人爲畫眉十步九迴旋鳴鶴
巢葦中飛翥不到天鮐鮪浮江中游泳不及泉容華不
相待席上留金鈿歌聲一朝歇繞梁亦徒然處身重潔
白畢世無尤愆有美善自居載咏逍遙篇

遊龍隱巖觀元祐黨籍碑思得拓本適周茶農以

所拓融縣本見貽因題長句

宋家賢后稱宣仁女中堯舜化乃神八年元祐垂盛治
一時師濟臯夔臣調戲官家首章蔡鴟狼跳躍驅鸞麟
初標黨籍七十八後來增越三百人當時排陷但君子
久乃攻訐兼儕倫異哉碑字出蔡手黨末誰料書章悖

夢陽堂詩集卷十一
居然似甕彼乃入沐猴轉廁人羣蹲小人情狀值一笑
但恨舉措關生民無何星變石盡毀獨有桂管餘嶙峋
風雨多年雜巖色白懸忠骨黜平聲奸魂幾回遊歷未及
揚此本來自融江濬沈千孫子古言擘磨鐫冀歷千萬
春元長當時一管筆堦篋遺臭曷足珍蚩尤作兵兵不
穢詎此污鱗毫端陳惜哉羅織反混雜槩以千佛傳非
眞留存脫令舊本在身通何異洙泗濱溫公遺宅足千
古城東甲第空荆榛蹶躄潭州近南嶽好看天柱峯摧
新沙蟲猿鶴漫顛倒萬世臣戒宜知循慶元黨禁會復
起嗚呼宋室何其屯

擬天馬歌

渥洼名馬出水中傳之乃似升淵龍聞者不知羈絆得
至今猶謂生虛空宋人取玉梧臺東革匱襲之凡幾重
道旁紛紛笑毛羽鳳凰傳遍荆王宮一朝拂拭成奇寶
古來遇合何足道奔蹏伏櫪良適然伯樂相看苦不早
舉頭昂昂望闐闔籥風雲兮應星月霜蹄往往誤人間
不到燕臺總凡骨人言閑校皆權奇此意或恐王良知
屯田安得暴利長出車安得李貳師請牽出看君騎君
不行馬猶夷超騰便上崑崙去願繫扶桑海上枝

江岸聞蟋蟀

粵中蟋蟀以春
鳴至四月而盡

夢陽堂詩集 卷十一 三
衣葛當三月間蛩似九秋清商連淑景繁響及芳愁物
性居然異生涯忽此遊非關怨遲暮聒聒爾何求

陽朔山歌贈王若農明府

王紹興人

不知天公奇妙何如此盡抽石筍百丈長插入寥空白
雲裏無隆無稠無欹列笏峩峩向天倚得無投壺玉
女幻神通墮立江涯萬千矢不然金剛一杵碎羣峯杵
形盡挾羣峯起且行且訝且狂喜脫却山形得山理山
頭猿嘯生清風清波影落山交通霞邊擁出蓮花峯幾
峯正對衙當中縣官終日哦其東君詩到此焉不工君
身到此焉不窮消受此福惟此翁萬條森碧羅其胸噫

喜萬條森碧羅其胸何必君家四明桐柏綿青空

贈溪上翁

洗藥溪水上養魚溪水中溪光日日映翁醉一笛閒吹
溪上風

過昭平三峽

客思豈巴東猿啼也峽中壑低波掩麓渦疾鳥迴風寂
寂灘聲遠迢迢日影空片時雙櫓下還望轉迷濛

同年汪小竹太史

全德

臥病昭州舟過忽忽往視

卽別

子病予憂兩未安天涯倦眼忽相看故鄉聚首生平少

夢陽堂詩集卷一
異地論心一夕難花鳥有情隨去日風雲無路達微官
京華珥筆需才子努力加君愈後餐

蒼梧三界馮真君廟觀青蛇歌

真君靈著三江口幻出青蛇細如拇不知族類幾千多
忽爾全無忽然有或循枿柱或龕帷旁若無人或旋走
土人敬禮號青龍往往祈神便昂首謂妖誕耶神直方
謂遊戲耶神毅莊謂所使耶蛇何長謂用占耶蛇何祥
君如不信蛇在旁此事非正非荒唐昨者我舟行未到
舟人忽見青龍譟共言難得入舟來笑將吉兆殷勤報
此蛇畢竟又何歸還問舟人更不知但道過灘三十六

安知不是賴神持

攝岑溪初入縣界

我初爲官不省官胸中似覺來無端蒼梧城南曉發鞍
大溶江邊日已殘我行如客方盤桓忽然吏卒羅蹒跚
金聲對舉紅旗翻兒童父老紛來看流蘇候舫當急湍
予心似水初生瀾若不自得若可安官耶何異不足異
我與官也其何關噫嘻斯時未解榮與俗意者高牙大
纛亦等觀從此要知民事切此身拚却負青山

累日山行歸語幕友並寄鄉人

行盡春山路不迷百重山遶百重溪一山一溪下復上

夢陽堂詩集卷十一
春鳥春花開自啼歷過無心車碌碌歸來難話草萋萋
詩成不是江南景寄與鄉人作畫題

春愁

四序關愁併屬春轉緣芳淑敝精神天涯百緒雲連草
人世多情錦作塵擅絕風流翻似恨對殘花事不能嘔
淒迷却異悲秋客臨水登山又一辰

宿蓮華寺曉發還邑

平蕪開馬勒曉發一聲鐘碧澗全侵草青山半倚松日
光明曉客天氣藹春農漸起炊烟近深村過幾重

題黎氏園

微服憇多時賓來主不知烏迴當樹翼笋迸出牆枝廩
屋層層曠山樓面面奇蒟茶供應拙一任野童爲

庭前佛桑花

何時植此樹相對我今來歲歲年年好朝朝暮暮開碧
常穿翡翠紅自奪玫瑰正映庭前色風花滿露苔

宿羅末山家

舍北雙流水牆東一碧巒南連杉百樹西有竹千竿爾
自村中住予將畫裏看詩成因繞立指點句偏難

丁孝子祠

縣志云舊作丁蘭誤
實祀漢孝子丁密

漠漠長空盡白雲川原一曲渺無垠不知故里眞誰是

秋日同汪青崖遊上方寺

遙遙覩山光前賢每登歷常懷獨往意遂與幽人適出
郭晒長林光分梧與柏入寺但聞鐘層城遠如擲荒鴉
導前向摩挲石間壁佛說竟何因老僧能告客蕭條池
偃草寂寞泉浸石泉水清且冷徘徊想飛錫因思釋塵
擾暫結雲中宅此意希共知虛空永今夕

送友人遊會稽

秋氣已蕭條秋聲更寂寥綠樽無奈別紅燭可憐宵遠
道思蘭渚長亭隔灞橋來朝相送處歸路不勝遙

題族叔鷗馴雀圖

啾啾簷間雀慣向枝頭啄自言小鳥不避人只恐人情
好彈繳有時下階除公然不懼愕人自無言鳥自若異
哉小鳥知善惡惡亦不可知善亦不可測公然紛紛下
來食異哉小鳥知顏色顏色不可窺善者或貌爲以人
觀人尙不知異哉小鳥真天機

茱萸灣歌

茱萸村畔茱萸灣茱萸灣頭船往還茱萸當日何人種
今日茱萸何處看城東十里清波路傳是吳王舊開處
海陵粟已片帆來下邑糧當幾困去嘉木淮南自古名
秋來醉把一身輕朝朝流出茱萸水添得長年最有情

爲室堂雲中鳥鳶曷不潛行悠悠何論下視行潦上視
鶴與鴈發聲清越一何三嘆嘆者何爲聞之者誰將欲
使漁者在淵獵者在山懷質負用一無違愆將使出世
之人煉服還丹渾渾泐泐曾莫知其然離萬物永保而
長存

食荔支

久欣珍異出遐方忽漫南來始得嘗名士何曾眞酢味
世人空解識紅妝擎到時含綠色有頃漸紅瓊瑤不透雲屏薄繒縠
徐開雪腕香入口無端先覓句齒芬留共白鮮長

七夕雨

牽牛盼織女渠今奈何許洗車不得渡淚灑今宵雨

岑邑以七月十四日爲大節相率慶賀幾過元日
跡與中元異權輿爲報秋歲時先蜡臘風俗重羶膻戚
里羣相驚官衙衆盡休從來存古意往往在遐陬

入藤邑界午憩山家

傍渚依巖總畫工天然占得小玲瓏開池暗引雙流水
門外當二水合流處著鏡虛添一面峯笑我浮踪塵土飯羨渠清
味竹枝弓兒童正好酣呼出莫放鳩車避客驄

由容縣還邑途中下灘作

君不見灘高水側如懸練怪石齧齧礙幾面舟行過石

夢陽堂詩集卷十一
爭一線隨風急下若奔電中間風勢忽轉旋篙師掉臂
疾於箭巧借風力與石使我雖有目不暇眩嗚呼篙師
何絕倫斯時斯際如有神過此乃是尋常人

秋閨古意

東鄰索笑倚紅妝璧月金波柳萬行終古離情在瑤瑟
一時回首向霓裳梅花村外秋多雨燕子樓頭夜有霜
解識咏成團扇作不須長信望昭陽

山途卽日

客行無定值今日此留題霧氣含千嶂禽聲在一溪交
加榕影密錯落稻行齊半嶺雲生袖回頭盡覺低

宿南渡鄧清祠

探真何日得靈篇一呪輕雷歛上天時俗重同丁孝子
風徽傳似葛神仙空山翠色侵蕉幔古渡清光繞竹籬
僻遠無妨心暫息鷓鴣啼處幾回眠

道上觀流泉

激流不盈寸卽水卽平地循行攝齊過石色引漸漬來
從依微見去知成何勢靜淨無動塵於焉轉深寄

在遠

在遠多聞見知新狎起居南方嵇氏狀北戶段家書近
水蓴何有隨風藿自如相看同易地展轉憶鄉閭

夢陽堂詩集卷十一
坐邑西齋有懷前任何李二君

岑陽雖小邑蒞者多文辭後有山東李少鶴憲前有南

海何報之夢瑤粵東詩人藪溟渤揚旌旗南園倡五子絡

繹沿瑰奇國初三家各鼎立後來作者知爲誰羅蘇

與梁陳健者實報之報之文采珊瑚枝先吾來此堪吾

師菊芳園裏芳競菊釀成透入人肝脾一瀉千言每神

王迴瀾倒曲風生漪瀾空水滌洄琴堂草萋萋揮毫罷

玉軫憑闌指虹霓想見崔顥題詩處何殊庾公談咏時

我來與君胡不接席坐兼與少鶴吟相期相期並世亦

無益豈能同時一邑三人治三人所恨非同時一邑却

有三人詩嗚呼後人懷古應長思古來他邑誰如斯

再宿鄧公祠題壁

依舊空階繞露葵一旬三宿此荒祠夢魂五夜星霜入

心事南方草木知隸擁早衣頻嚙語祝敲銅鼓自巫辭

宰官身與神明見有獄難成願質疑

過通天嶺

迴環都是鷓鴣啼行覺蒼茫坐覺迷滿地停雲孤館外

無邊落日萬山西篋趨吏僕皆清曠磴轉杉松自整齊

却笑去來徒鞅掌幾番前已倦留題

愁來

夢陔堂詩集 卷十一 三
愁來覺詩廢詩到與愁吟風雨兼離合江河似淺深客
心方自守人事漫相尋往往聽鴻雁頻移指上琴

岑溪間鴈憶衡陽

月明嘹唳不曾稀回鴈峯南鴈自飛已過衡陽二千里
長途應到幾時歸

衡陽誰說最高峯萬羽無妨並刷空只是等閒行不到
被他傳誤到征鴻

三宿鄧公祠

墟塵猶隔壠深坐寂無聞吏散留庭月花飛著砌雲頻
來非我意多誤感人羣厚俗由先教空思難蜀文

山中題桄榔樹

撐霄一蓋何盤紆蒙茸顛頂垂綉鬚虛空布葉花爭敷
亭亭直上如欄鋪亦復側裏同蕉舒纍纍挂出青泥珠
此種不獨供清娛不獨縝栗材相需能爲修綆當舳舻
能爲細糲抵稻稔一何功用獨自殊託根得地非虛徒
藹藹田舍交枝株晴光映著千流蘇空山禱雨時相呼
香亭欲結聊躑躅舉頭高矚無時無

桄榔子
可祈雨

夢陔堂詩集卷十二目錄
古今體詩八十五首

夢陔堂詩集卷十二

江都黃承吉謙牧

茶農以腫字韻賦詩見寄用廣韻二腫全答之并書

承賜詩用腫韻謂效昌黎集中會合聯句而書中又謂洪容齋以為韓孟籍徹之作雄奇激越不見涯涘其說為非蓋爭奇於韻以我就詩殊乖風雅所謂索之愈力去之愈遠鄙作偶步時趨尚乞是正云云具紉卓識僕謂以奇字僻韻相高者由於已之不學而以給人之未學字有

夢陽堂詩集卷十二
何奇韻有何僻達其音訓則皆平易耳如容齋
以爲二腫字險窄而自詡押盡一韻猶有十字
越入一董令人哈絕比暇將酬大作偶觸於是
爰取廣韻二腫去其複字較著者得八十韻遂
占一部之全以是塞足下之意不亦可乎無亦
子雲多識奇字其辭賦異於流俗則足下之是
以似之者歟

泐雲度嶠隅迢遞飛駟驂鸞子停驂踵鴈子接踵不
慧僖父荒顛蒙小兒趨追奇良未遑使何滋益煉耕其
昧菑畚御或盪佚絜歛厠頭銜披載瞻鼻息竦攝齊一

足踣握版兩手升粥粥齊詣愚戔戔忘辱寵鳳尾懷桑
衣犢鼻羨馬惚枯居糜魯兀旅進塔周俑循阮緬術阡
涉巒曠邱壠穢霍羽東排琴麗木南挈清膏千頃凝碧
玉萬條聳受需聊繫稽占良疇動漉接軫從相緣披襟
莫適拔嘉哉紉藕蘭躔矣式珪珙趨承時堂皇惠枉却
巷術蘇茹雜萑葵臍臍間鯨鯢搜捋張絃徽踞蹠側瓶
叢詩盟楚國尸酒戰曹人兇長吟任委蛇壹醉露鬪瞬
跳跟氣山立嗚喙語泉涌仇童勉益欣申韓論猶恐角
辭攬淵雲訟經析慎重劔巖停飛篷石門頓遊輦行捫
星觀鐘臥接榕樓棋陶成領深睟獎借積餘俗於意長

惇惇維時遠從從銜策伏櫪驥披拂棲枝雖罔辭濫吹
乍不計輕操僕率爾行馭駸黯然別啗唾亂流乘淺查
疊崖下危碧磯仞攢鋒鈿樹髡錯瘦腫川川叩板巖岸
岸撥沙朶五龍潭水翻六佛山雲拱九峯鬱凌參三江
虺沓溶秉檄紆岑瀧回旒極淮埭覘竒態愷惇聽誆情
垺塔虛傳要簡畧實綜劑糅穴敦厖誠可區伎狡亦相
踵椎埋翻謂義軀藉自言勇腰鎌趨攘稔腕秦習盜物
簪敞晴雨馳驛突日夜擁僭是聞絃歌祇索對桎拳睥
睨施稅筆崎嶇驗牀軼曉雙折颯颯宵輒陷瀕漣回淵
盱瞪眈斷峽怖慄烘謂舳還尻輪當裘忽臂縱萑露愁

心痛鳶霧怯跂馱霸鞭刺逾棘角紐毒勝蒸羸其走麕
巖叟彼叫鴟鵂有寔悉面牆靡踈不登隴立懦擊觀摩
停澆砥執獲敢斬課復循抑挽俗韜韞因應含枝梧見
聞啟塞壅欬醪椰瓢傾肅茗菂葉捧新荔緜腆鮮巨鯖
青豐脆蜡臘烘丹桃餞春絮漆葢石蛤奘倍蛙竹颺盛
於馱腊膽驚剗螭鱗翅快擘鯨冬謝六出霏秋返再熟
稭藥河魚滿汊燎山鹿連冢綠么傳鳳雛果下識馬種
字怪越奎歪姓奇過撤舉狼卒休無譁獐婦帖弗詢彌
安理煩芴渾著藉柔氈時來玩胥沫物化感蝶蛹烏足
新蟻螬白鳥舊子子葛洪砂底研諸發花徒甬警露寥

夢陽堂詩集 卷十二
將翔蹠雲渺思駭一篇遺錡鏗千里佩躍踊筆花斐而
辨詞源浩何洵上言塵規裁下言軫馬纈視微目每曠
讀高口頰啐梁塵故凝積里華曷報奉鮑翳高且庠歷
遴疾猶惛山木蒙叟嘖海濤成連慙進或精以廢退非
便如漣夢遠懷趨超身彊寄愉悃累牘申光孚因聲酬
砧鞞

戎墟寓中偶成

風雨危樓夜愴悽南華一冊偶然攜征鞍怪底勞人苦
翻到書篇亦馬蹄

由戎墟下蒼梧

小憇復登程飄然舍陸行浪開三板直風送一洲輕入
郡頻公事看山自物情道途吟未穩挾句向江城

蒼梧水次鄧孝廉芳舟

建英過訪

忽焉成作吏無復解論詩一棹能相訪孤懷孰與知三
江流醉眼雙井照吟髭把卷期予切君真似左思

卸岑邑事治裝旋省

一令荒城久自懸青山欲別轉茫然歌聲忽報雞催鼓
行色爭看石載船身外琴書都寂寞道旁篔簹豆足流連
偏隅小邑關風化讓畔終期汝輩賢

古時良吏詎難爲操縱都緣性所宜種樹河陽猶暇日

夢陽堂詩集卷十二
掛冠彭澤遂歸期紛紛案牘勞何補杳杳鄉園望莫知
畢竟此身奚樹立飄風五月悔牽絲

灑江舟中

風日梧州暖今來氣已遷草黃疎勁岫波綠嫩寒天宦
跡孤帆轉鄉思尺素懸如何同一水不得到湘川

舟夜書感

蠻嶠風光強自留亂山殘葉又經秋鴉啼野戍三更雨
婦病飄蓬萬里舟青鬢不華初夢失白雲無緒一身浮
微才敢道匡時易欲藉抒忱已不投

閩詞

一水過兩崖點滴平分去雙鏡持照君看君水流處

將至昭州望陽朔諸山

輟呼舟子飯停棹倚寒天日影風中碎波紋石上圓遠
山孤象出殘草勁光延何處滄洲興丹楓落眼前

挽姊丈方冰石

冰石偕予至岑乃每多歸思孟冬以事赴郡遺
書相辭率爾東下挽之不及意謂已適歸矣十
一月晦日舟次昭平馬峽遇桂林人遽傳其死
不勝駭然蓋嬰疾舟中熒然孤棹竟不治以歿
也嗚呼天之奪我冰石何其迫歟

合向桂林死不然何强行可憐千里別纔過幾江城嶺
霧妨歸夢湘猿借哭聲羈魂如未遠留且話平生
夙昔青雲翹秋高未礙飛壯來看興淺貧後覺身微誼
切關生死情深泯是非天南何益到遺恨不同歸
去年吾姊沒十月廣陵寒我發君猶住相期漢水干他
方求友誤遠道傍人難愴絕思歸曲黃墟更不彈
客裏難爲病扁舟况爾孤呻吟愁客唾扶挈要錢驅
眩傷前事蒼涼念後途敝裘餘淚迹添我數痕俱

遊萬壽寺觀唐顯慶間舍利塔銘記及褚河南金

剛經石刻

顯慶二年塔始立正是褚公初到日舉頭十丈聳慈雲

護禪細寫波羅蜜厥寺當年名善興不有此石何由徵

據碑其時爲善興寺而通志但云隋名開元寺宋天禧間改甯壽穿雲剔蘚自訪古叻

談忽爾來雙僧云昔兩碑列亭障後來亭圮空依傍遊
人千輩不解觀風雨多年剝相向又云此寺建自隋粵
西前此希招提湘山大雲且後出此碑焉可少護持僧
乎守土非予責道路咨嗟亦何益卽今手觸半模糊予
亦低徊豈能釋唐時舍利碑正多褚公心事如經何絕
倫書跡至今在不見當年窳堵波

桂林冬夕過汪竹海全泰竹素昆季卽興

翩翩雙鶴正徘徊忽地黃昏訝客來塵繼困人拋暫脫
酒杯迎我笑先開筍輿有約誰能踐冰卷纔舒僕又催
擊柝夜嚴須早去休教宿得霸亭回

再至萬壽寺酌冰石

嶺外蕭條寺西偏雨閉門旅骸荒幾輩此地著君魂暗
蟻驚燃炷飢烏遶奠殮悲深無別誅終踐我心言

生日漫作

歲月無端薄笨磨駐驂難覓魯陽戈一身嶺外同飛鳥
百夢江南總逝波蛤蚧聲聲添老大桄榔葉葉化柔和
霜毫欲上吟邊頰蒲柳經秋奈客何

汪遲雲中丞移撫江蘇與同列送至靈川有作
將迎慣聽五更雞短夢荒垌續又迷殘雨白遮千嶂小
冷烟青入萬松低軒輿影豁塵難度旌旆風高鳥自啼
遙計故園臨使節春回依舊草萋萋

靈川客夜卽事同趙初梅

消渴豈相如三更啜茗初榻塵侵雨澀窗紙帶風疎倦
極猶難寐寒深且共居從來多結習到此欲全除

李松圃先生招飲靈川寓齋

何處他鄉非旅舍茲方旅舍更蒼涼千杯賴得從君醉
一榻猶能寄我狂過眼雲烟休重述當筵魚炙競須嘗

五車讀盡漫如此坐憶陶潛三徑荒

松圃先生見示某某二君詩

二君詩效孟賈

詩塵何處滌忘俗乃能尋石骨挂秋思泉聲流夜吟鶴
飛松際遠雲度嶺頭深斯境吾能會因之一撫琴

丙寅除夕

年年除夕似階梯一度心情一度低忽爾亡親旋負疾
如何失路更含啼飛鳶此地愁將墮伏燕何時許共棲
燭爆蕭條兄妹遠鄉書懶對越襪題

人日松圃先生招集韋廬時予甫由岑還省

別來親切向疇多狼戶荒儀蠶子歌萬里見聞誰願廣

十年期負已全訛人間肯信無冰雪市上空憐絕綺羅
佳節酒杯時自把鄭公三百醉如何

歲暮淹留不自聊芳菲忽喜近蘭椒欲清心地無他地
自入春朝又幾朝樓影高寒松鶴振笛聲幽怨鬼神調
和風待月驅蕭瑟一醉翩然似九霄

省垣與春祭文昌有作

輕雷二月殷涪雨十旬滋夜半聲碎急如聞三伏時冠
裳承廟秩煥燎繫民思萬物多情偽司中那得知

陳味菓來粵訪舊不合比將返吳興和其卽席之作

蟬腹龜腸飢絕倫爲餐脫粟飽風塵下車揖故古三友
倒屣迎才今幾人飛鳥江湖波浪夕雜花鄉縣歲時春
蒼梧竹葉君須醉世上相知惟酒真

題八仙畫障

我昨夢從天上來下視溟渤水一杯空同仙人將我入
雲去青鸞白鶴閒徘徊側身回顧日月影相逢汗漫遊
九垓蓬萊弱水境恍惚茫茫散落烟塵埃浮邱羨門安
在哉雲中雞犬聲如雷藥珠宮闕不可見但見青裙歌
者如嬰孩笑看鍾呂八輩渡海去不知此會何由偕前
年過南嶽獨步尋蒿萊中途一叟寄口語可惜丹就神

不開堯時待中宋貴戚如何亦與常倫儕芥浮杯渡騁
游戲天吳罔象何敢猜我聞仙真不免塵俗障浮名有
礙昇丹臺烟嵐一掃百變滅人間萬事隨嘲吟

送朱詠南赴西安幕

此去間關路幾經相傳形勝豁青冥黃圖宮闕連秦漢
白帝雲山指渭涇馬上箋毫懷古什帳中樽俎佐時型
灞橋行到思應切倚遍長亭更短亭

自大墟曉發至陽朔

春水浮舟遠春山送櫓長水因舟躑躅山爲櫓低昂綠
到幾時盡晴中無數芳風光堪叫絕天遣數徜徉

泊大結灘聽鄰舟陸生彈琴

抱琴何處去客思兩無端不遇知音者而能相向彈何
須聽海水卽此盛波瀾四顧絕行跡荒鴉啼暮寒

平樂道中夜泊

滾滾灘聲裏乘颿逐上游遠山銜燒滅澄水入星流犬
吠連雙鳥查橫伴一舟夜闌風轉急依舊似殘秋

去年秋杪

曾泊於此

昭平早發有懷朱明府

玉林

迴破墟烟上春雲活曉帆瀑聲驚匹鳥巖影落千杉瞥
眼頻過驛回頭欲寄函酒痕消不得昨夜滿征衫

宿蒼梧水驛

積滯篷窗永寒潮引不開雨深春暗度江遠曙先來入
郭偏多事還舟自散材坐惆雲水別天影共徘徊

再署岑邑入界憇館舍作

賦才苦微短一出甫至斯奚爲脫然去還復更蒞茲上
游計駕熟俾令重驅馳我身如滯雲不著亦不移去日
茱萸意還時楊柳思習知吏卒返轉憶父老辭公牘滿
胸中看山且吾私前途固多晰壺漿欣暫持羣氓誼親
切切切心自怡咸吾舊子弟要使淳不疵所當化其莠
勿爲善者夷多謝父母名庶幾師而醫

復蒞岑邑斷獄感賦

前有奸民罹法變幻百出久始定讞值予卸篆
去後又復翻異牽率幾至顛倒適以再攝首平
是獄焉

不信譎張伎屢遷紛紛左證復株連漫勞枉獄權金甕
竟有竒蹤渡鐵船吏敢舞文三尺在民知珥筆一隅偏
移風豈是尋常政深愧鳴琴續舊絃

之永業鄉道中作

屢向谿衍入今來又一蹊春風百鳥會終日四山啼架
屋杉皮淺分泉竹筧低輸他僮僕便疊疊飲清溪

野况

終朝常在野景色漫怱怱水浸春雲活風吹夕照空稻
田畝上下茅屋敞西東不復知官吏飄然過客同

寓館聞白鳴鐘感作

動若無端靜可聞相催息息太殷勤我行終日雙輪轉
那更雙輪繞夜分

岑邑七鄉永業最爲幽僻頻來卽興

尋幽欲謝長官名逐逐烟嵐遠送迎山洞間如城闕向
溪淙玲似佩珩鳴高陸影墜花顛倒曲箐聲穿鼠縱橫
爲問昔時防守處幾村稱隘幾村營

民居多名某營某
隘猶前代之遺

病起

風光不覺引維摩策杖芳林緩笑歌竹影自長蕉自短
鶯聲何少雀何多從來莽莽難齊物此際融融足養和
縱使支離猶不免泥人先已謝沈疴

莫嫌強起敝精神留滯須防要病民未必此庭真訟絕
豈宜高枕自情親肌膚甲錯誰憐我卷牘辛勤或療人
試語黔黎治爾事且呼胥吏戒明晨

山行見衆穴與雲俄頃成雨有作

濃雲出山岫湧如突升烟漫漫去不絕黢黢遂盈天雲
出我可捫雲合我莫攀雲中雨倏來濕我頂與肩遠者

不可測我立在此山烏知所伏藏膚寸積萬千此雨若
甘澍澤物理固然此雨若苦霖傷稼跡則愆興發判消
長機兆由當前微哉莫辨識但見雲綿延

登樓

每憶詞場久濫竽年來擊鉢興模糊對囚意氣銷俱盡
作吏才名減欲無身在底須焚筆硯心空原不嘆頭顱
登樓幾見浮雲改回首珠光璧社湖

銅鼓歌

岑邑有三銅鼓一在文廟二在南渡鄧公祠

明時樂教授我朝金中丞當時各見二銅鼓謂是寶
氣今出騰豈知此器粵多有我來一叩三呿噲流傳漫

說南征始巧製非關伏波美駱越由來自古誇豪家競
作輝閭里舊聞蒼梧十數戎府中距茲百里光華通星
羅棊列狀態古摩挲自是千年銅遐方異物何堪薦錯
雜春秋氣交戰金聲不涉鐘鏗鳴大樂同和亦參變蠻
烟瘴雨祠廟低山間震蕩宜鼓鼙顧此朝晡事搗擊清
揚頗覺碎雲霓腰纖面侈中空旨碎齒輕紋妙難織盤
旋鼃鼃如欲行不窳全完綠沈色風中逃聽當何音視
彼黠賓之鐵如可尋異鄉鏜鞳不稱耳空庭往復惆我
心狸獠當時佐歌舞浸成風俗留於今笙竽爲匏木可
代八音假借非濫淫 盛世包容廣搏拊何須立馬鎔

南金

榕樹行

廳事西偏豁清曠院落縱橫十餘丈由來本是列倉儲
藉可公餘恣臨望行到多聞鳥雀喧盤旋滿地榕樹根
此根直出衙外去行過數家趨郭門我家世世江南住
幾曾聽得談榕樹昔賢只道不成材一語教人索然誤
請看此樹何傀奇百轉千垂自回互舉頭但見蛟龍蟠
過頂曾無日月度枝生枝外復生枝蕩雨摩烟不知處
蔭遠都將十畝圍致多合使千章妬憶昨蒼梧廨中見
兩株交柯接理相扶疎傍牆生長與牆合亘牆終古無

傾虞又見桂州三塘宰相家

謂榕門相國宅

門前舊植森槎朽

曾向草堂留一宿風聲一夜似雷車山川秀絕膺斯產

我嘆其材真異撰屈曲難從大匠心粗疎自入高人眼

此地傳聞舊有神其年偶出最宜民居然朔望勞趨拜

為祝豐盈誕亦真縣官爾見知凡幾葉拂衣衫還旖旎

今日相看一主賓虛堂四映風華起從來此種別擅場

頗聞上有千年香醞奇毓異人不覺試比杉松誰短長

食薤菜

葦筏浮清虛漸漸逐流長曾隨澹淡波漂萍共來往時

俗薦嘉蔬凝注愜初賞似比菠薐甘聊同落葵爽居常

但清茹那索賓饌享眷屬方共嘗含咀擬佛彷彿異鄉菘
藪情薄宦身世想

夏日郡城寓齋寄幕中友

暑沸人俱寂林深鳥不喧日光凝砌穩花氣逼樓繁拂

塵青筠席浮瓜碧水盆勸君休茗戰炙手傍榕根

署後籬垣布滿忍冬花時芬馥怡人

野氣侵虛袂清光著短牆月空斜引蔓風遠靜傳香豔

色須臾白芳情對待長脫簪堪吏隱幽絕興難忘

玩蝶同家修亭

風前無賴忽交加似去還來體態斜俄頃化殘千樹橘

夢陽堂詩集 卷十一
古
幾時飄定一園花非驚非媚空中影爲夢爲仙物外華
若解西施原國色未應紅粉落天涯

山行偶作

舉邑無平疇山山亂圍繞幽蘭何不生漫山斷腸草

公事紛乘未暇吟咏凡爲詩輒於車中作之遂已

多積因題卷端

訟庭非靜寂多興不能吟道路遙相挾風花重與尋
遠中千古事併裏一時心往往連啼鳥溪山共好音

藥魚行

禹步聲中日杲杲掉臂山中尋毒草喧呼競向渡頭來

亂逐波鱗四圍繞紛紛突出魚噉喙虐之爲使驚蛟龍
風雷簸蕩冀頃刻萬民騰蹕如爲功魚龍相响理不隔
迴勝浮蛇泛蜥蜴馮夷眩躍罔象噓威轉金烏半邊赤
曾聞火及池魚殃如何孔熯復爾戕鞠窮未見腹疾已
牡槀反令淵神傷我慚無術爲民福禳祈却累民惶促
楚茨南山衆口歌長官駐馬看風俗相攜老幼攀滿襟
絕非蓼葉殊巴菽纏鷗繚鷺盡力拋一片枝莖塞川綠

典衣

典盡平生舊客衣一縑還謝魯山機但能成政吾何幸
不道輸誠俗更非谷隘竟無藏螿穴江寬空有釣魚磯

夢隱堂詩集 卷十二
長吟每笑東坡誤得已無田也自歸

題盆中月桂

榮落何會計年年十二回似隨堯莢轉長共佛桑開芳
意無增減韶華自去來託根如得地卽是廣寒材

署中食龍眼卽興成歌

後園滿地清陰交上有三株龍眼高復高每當垂實時
了了簇簇如珠翹珠當百斛膏千瓢我來信手摘探落
多瓊瑤三顆五顆塞滿口甘津四溢流如潮皮殼勝繒
薄柔和若無包輕肌浹齒頰咀嚼無煩勞一日幾度來
不覺度度攀枝條當其遠處搯不到牽竿引杙無停梢

樹上有棲禽丹腹青背毛對對繞樹鳴翩翩不離巢此
禽夜半食龍眼人間屋瓦如輕敲一一擊彈聲的的空
中拋儼然剗肉吐棄核一何巧捷逾猿獠家人笑此禽
與我同貪饕經旬復往視但見實少如櫻桃此果若比
目禽當永相要此果若益智吾當遠相遭年年此地待
飽食雖然適口終粗聊却惜荔奴名號太唐突此種殿
後尤堪豪一笑佇看予起立索他餘箇在枝梢

洪松喬索蛤蚧戲占二絕寄答

一蛤一蚧自呼名雄叫一聲雌一聲聲聲相間無窮已
此種如何不有情

其名不爲蟾蜍得厥狀兼將蜥蜴殊若問此方何價直
一雙須寄百青蚨

郊行見籬落間有土名霸王鞭者漫題之

野植一種似木非木棱角多刺田間率叢翳之
以防盜賊土人名曰霸王鞭病則懸之門戶云
可辟邪貧者取以漬酒殊酷烈耐飲其稍匱薄
者則名之曰仙人掌或攜之他方至充嘉玩或
云此卽慎火一名戒火然亦未見有植之屋上
者

正復資微用非關足遠珍遭逢無定目區別乃殊倫風
味兼純駁形容或假真由來鈎棘處未必久留人
以鮮荔支漬酒色香味無不宜人可稱獨絕
摘下玻璃碧傾餘琥珀紅官骸隨臭味津液繞林叢尚
覺三重少從來百和空翻憐綠無賴不數廖家風

池上

雨過荒池碧微涼生夜波佛桑開不斷龍眼擊還多野
氣因山遠塵心得月和何須教翦刈深草自蓬莪

中秋夜飲虛白齋

署中呼
爲西園

載酒西園醉清光不待邀月明偏此夜榕古自前朝一
夕還予懶孤亭遠隸囂荒城無騁逐吟罷試吹簫

宿田家

渺渺峯尖澹夕陽輕陰一霎便生涼細翻菱葉風吹渚
斜落槐花雨過牆秋色轉勝春色蒨野人何似宦人忙
共欣晚造連塍熟試引登樓看稻黃

稻歲再熟謂
之早造晚造

郭外秋懷

皇華萬里水直與故鄉通不到櫓聲外常依山色中照
來惟有月飛去尙無鴻欲寄相思字時時望碧空

筒車行

無人流水空咿啞到處水流翻水車筒筒引接組交加
與輪上下輪迴斜一筒一瀉聲如撾隨流柵石森齶齶

旁留一線趨浮艇艇行勢若騰修蛇倏忽疾矢無停擘
車車歷過瀧路賒水流波急篙碇礮風吹轂轉筒唅唅
一筒水聲一磨牙旋空濺作雲中花層巒兩岸青周遮
秧釘滿田綠映葩野禽拍拍飛泥沙曲隈斷渚連漁汊
倚鋤曬網三兩家靜聞車聲不喧譁不覺汨汨沾禾麻
村村農事茫無涯覲來幽境心則遐循環歷碌無停差
耳中絕勝聽箏琶長官樂並纜車誇轉眼收車出連枷

獨遊水井寺

古路環深蔭炎光何處蒸山風常護佛泉水自依僧橙
柚碧無似桺榔空不勝漫吟懷漫叟遺跡繼誰能

三界廟酬神歌

遇仙得仙衣真君亦仙耳他仙變異不可尋怪絕青蛇
 繚如指盤旋起伏無定容端倪嚶習具猶龍人來見影
 輒禱祀入廟者值蛇未出則緩祀精氣蜿蜿騰虛空三江水勢連澎
 湃萬壑相應動天地赫爽明威獨鎮持靈竒孰敢云妖
 異我前自此浮舟航入舟正值風顛狂岸旁見我幾傾
 覆我行未覺猶安常相傳遇險蛇能濟安知不是神靈
 衛今日登階展拜酬江山氣象來無際自昔神人往往
 與蛇遭或銜或珥或以操未聞忽無忽有倏多寡助談
 更比山經豪又聞馮遼東兩蛇走綬笥得無姓氏與之

緣此種由來最相值真君羽帔揚英姿仙乎神乎吾不
 知意者神奇乃可震殊俗天人一理夫何疑出門一望
 波浪黑回頭但覺龍躩踞

篋書為白蟻所食漫作

蝕罷朱提又蝕書怪他柔物最難除芸香枉却熏多少
 一字何曾饗蠹魚

容縣道中偶成示僕從

僕夫爭說路迢遙小坐徐行我自聊清水一溪瑩石卵
 濃雲疊閣蜿山腰臨風密颺枕椰葉傍竹圓生葦芟苗
 作色逗遛人不解猛然失笑為誰驕

山途口占

馬頭層疊翠微分，澗潄低流處處聞。
一隊筍輿時錯落，半臨溪水半山雲。

曉出容縣東道書興寄城中

幽寥總覺畫難工，到處溪流皺曉風。
深箐鳥飛穿日出，斷山人語隔雲通。
牽連野店開僧寺，睥睨樵夫作釣翁。
興得不曾關意想，緩程何惜亂花中。

藤江舟次寄家兄

道路行可通，致遠由兩轍。金石鏤可成，不舍憑一楔。
用汲久自期，盛時占井渫。滎陽曷云恥，新城亦堪悅。
鐵炭

互低昂，騰颺翻巧拙。屢嘗再熟稻，頻睽六出雪花敷。
尠鹿當時鴻來不知節，蒼蔚蕭豈凋蛸蠕。寒詎滅趾窮麋鹿，途日亂猿猿穴歲計風不移。
萬言獄不折居，諸未暇供奚遑念離別三日一視事。古人實明哲，雖懷翼亮情。竊慕居冷說鄉書，每臨至望舒。十圓缺，眇荆懷吾兄雙株久懸絕。脈脈對案長迢迢，望雲切慎矣。保桑榆艱哉問瓜瓞會寄湘水歸，持將獻澄澈。

藤邑呈陳六齋年丈

陳四
川人

城邊鬱繡漉悠悠，騷屑凌風晚棹秋。
一路聽談賢令尹，十年臥治古藤州。
桂山流水初成釀，江月連雲更此遊。

夢陽堂詩集卷十二
西蜀東吳渾不隔相看萬里各扁舟

發蒼梧泗村

裝促誤天明空山帶漏行亂蛙田水急遙犬確燈清越
險依殘炬當寒護宿醒此身羈絆久徒羨坂丸輕

早興

青峯懸榻外虛牖做花前袖落驚殘雨禽飛動遠烟曉
吟清似瑟秋病寂於禪若使無留事高齋儘自眠

食龍鬚菜

清於石髮脆於菠味亦甘芳色亦和正望秋風動鄉思
却憐蓴菜不如他

懷李松圃先生我園秋興

帶水簪山孰是羣碧榕丹荔久留君琴心獨抱三湘月
詩緒遙分五嶺雲霽雨空江宜遠翠西風落葉有斜曛
不知今夜清吟裏添得松濤幾許聞

欲遊白象山未果寄題石室

每欲凌空絕羽翰興來無那數回闌都將白日銷何事
未免青山負此官繞屋秋風村樹老出雲清磬洞門寒

芒屨最羨羊城客椽實松肪取次餐

山嶺有巖如室曰
秋風巖中有石鐘

磬鯨魚各一謂之秋風石室爲岑邑
八景之一康熙間南海譚仕演隱此

獨吟齋中寄懷故鄉諸友

夢陽堂詩集卷十二
三
細雨颯蒼苔黃花冷砌開夜聲排戶入秋影掠溪來鶴
唳嗟無侶檣搖感不材此心消燄盡流否寸烟回

食波羅蜜

茲果昔未見南來艷其名及茲薦豆實辦坼光晶晶雖
甘固非美厥潤乃不清草木何足道所懲士虛聲

過馬嶺

雲徑迴荒蘿中峯一線過浮嵐千樹小落日萬山多石
亂全欹壁田斜忽挂坡異松欣屢憇回首謝婆娑

嶺麓喬松

一株三幹直
上奇秀異常

題美人蕉

最是空庭裏窗欄映不勝蝶飄紅點點雲卷綠層層

月魄和幕中友

魄月質也世俗認爲月之光明者非卽斷爲月
之黑暗者亦泥蓋魄言其體耳月體本黑書言
生魄死魄以質對明義固如是非謂明卽不得
稱魄說文謂月始生魄然義亦相成也詩可無
作因論及漫和之至於魄本爲霸作詩正不必
如是說耳

渺渺何形質羣陰一化源窟開蟾布體弦落兔消魂生
死規恒運盈虧鏡不翻素娥將底藥鈎攝到靈根

初見鐵樹

錚錚小幹歷風鏤掩映烏皮几畔秋入諺渾疑非草木
無華真似暗戈矛鑄來絕微材原薄鍊到清霜骨豈柔
何意恰從今歲見看花依舊願難酬

相傳此樹丁卯年
花今歲正丁卯詢

之土人云從
無開花之說

庭中見翠鳥

小絕停衣桁深閨望劇憐轉行將鈿出一笑覺渠妍便
人花間去應歸水上翹羽微難足用文采漫相鮮

卷之七